

PROPRIVM 7
SANCTORVM
HISPANORVM,
Qui generaliter in Hispania
celebrantur,

Ad formam Officij noui redactum,
Ex Apostolica concessione, & auctoritate PII V.
GREGORII XIII. SIXTI V. CLEMEN-
TIS VIII. & VRBANI VIII.

PARS HIEMALIS, ET VERNA.



ANTVERPIÆ,
EX OFFICINA PLANTINIANA
BALTHASARIS MORETI.

M. DC. LXXI.

SAINTORVM

Qui generaliter in Hispania
celebrantur,

Ex Apostolica concessione & auctoritate Pii V.
Gregorii XII. Sixti V. Clementis
tis VIII. & Urbani VIII.



EX OFFICINA PLANTINIANA
BALTHASARIS MORETI

M DC LXXI

GREGORIVS

PAPA XIII.

Ad perpetuam rei memoriam.



DISTORTALIS officij cura nos admonet, ut ea quæ magis conducere censemus, pro locorum & personarum qualitate concedamus. Sanè licet alias post Missali & Breviarij ex decreto Sacri Concilij Tridentini editionem fel. rec. Pius V. Prædecessor noster, dilecti nobis filij Ludouici de Torres Malacitani, & Camera Apostolica Clerici, qui tunc ex Hispaniarum Regnis, ad quæ ab eodem Prædecessore pro certis grauius negotiis ad Rempublicam Christianam spectantibus missus fuerat Romam redierat, relatione audita, multas scilicet, ut ipse Ludouicus à viris grauissimis ad hunc effectum à charissimo filio nostro Philippo Hispaniarum Rege Catholico deputatus acceperat, ex huiusmodi editione subortas fuisse in illis partibus difficultates, ad eas tollendas nonnulla, quo ad Hispaniarum Regna prædicta, duxerit reformanda, & concedenda: nihilominus quia, ut idem Ludouicus nobis retulit, re ipsa compertum est, adhuc aliqua ad Missali & Breviarij impressionem, quæ in illa Prouincia magnis impensis curantur, desiderari: Nos eius dictis certam adhibentes fidem, ad omnem scrupulum dimouendum, motu proprio, & ex certa scientia nostra, ac de Apostolica potestati plenitudine hæc, quæ sequuntur, declaranda duximus, & concedenda. In primis illud nobis declarandum se offert, ex quo magna oriri poterat confusio: cum enim Prædecessor prædictus indistinctè concesserit, ut Ecclesia Hispaniæ possint celebrare Officia propria Sanctorum illius Prouinciæ, illique plures sint numero, ex hoc sequebatur, ut Officium maioris partis Feriarum anni omitteretur, & ordo Breviarij fere subuerteretur. Nos huic in omnimodo occurrere volentes & Prædecessoris prædicti mentem sano modo interpretantes, declaramus, unanquamque Hispania Ecclesiam eorum tantum Sanctorum, qui in Breviario non sunt descripti, Officia propria celebrare posse, qui vel illius Diocesis sunt naturales, vel eius Ecclesia seu Diocesis sunt Patroni, vel eorum corpora, seu notabiles Reliquia in ea Ecclesia seu Diocesi requiescant. De alijs vero Sanctis, etiam si sint naturales, vel Patroni alterius Diocesis, etiam si illorum corpora, vel notabiles Reliquia in aliqua Ecclesia alterius Diocesis requiescant, non celebretur Officium proprium, sed seruetur ordo Breviarij Romani. Et quo die celebrabitur festiuitas Patroni vnius Diocesis, Religiones omnes teneantur

eodem die in suis Ecclesiis intra limites illius Diacesis existentibus
 eandem festiuitatem celebrare; & in hoc cum Ecclesia matrice se
 conforment. Item volumus, quod festiuitates sequentes sint in
 tota Hispania generales, ita quod omnes Ecclesie & Religiones
 existentes in illa Prouincia recitent de illis, & celebrent propria
 illorum Officia; quae sunt, festiuitas Expectationis Dominae nostre,
 quae celebratur die xviij mensis Decembris. Et quoniam dicta die
 iuxta Breuiarium Romanum Feria habet Antiphonas proprias ad
 Laudes: ne Antiphona praedicta omittantur, & ut festiua sin-
 gulis annis in illa Prouincia decantentur: mandamus, quod dicta
 Antiphona seriales, quae in die, in qua Officium Expectationis ce-
 lebratur, dicenda essent, reponantur die xvj. Decembris, omissa
 ea quae ad Canticum dicitur, cuius loco dicatur ea quae ad Canti-
 cum ponitur in Psalterio: & idem fiat de Antiphonis in die san-
 cti Thoma occurrentibus, reponendis in Sabbato, quando festum
 Expectationis huiusmodi in Sabbato venerit; ut scilicet Antiphona
 in die sancti Thoma occurrentes, tunc reponantur xvj. Decembris,
 dempta ea quae dicitur ad Canticum, ut supra. Item festiuitas
 Triumphus sanctae Crucis quae celebratur die xvj. Iulij. Item festiuitas
 sancti Ildelfonsi Archiepiscopi Toletani Confessoris. Item festiuitas
 sancti Isidori Archiepiscopi Hispalensis: pro quo celebretur Offi-
 cium Doctoris, & recitetur Credo in celebratione Missae. Insuper
 celebretur festiuitas sanctae Annae matris beatae Mariae Virginis in
 omnibus locis ubi fuerit Ecclesia vel Capella dicta Sancta ad pre-
 sens, vel ubi edificabitur Ecclesia in futurum. Item concedimus,
 quod qualibet Ecclesia & Monasterium Hispania, habens aliquas
 Reliquias insignes, puta caput, brachium, vel crus alicuius Sancti,
 etiam alienigenae, non existentis in Breuiario, vel de quo in dicto
 Breuiario sit tantum commemoratio, possit illius festiuitatem cele-
 brare, & Officium Duplex facere, & de alio Sancto eodem die
 occurrenti, si fuerit Simplex, fiat commemoratio: si vero fuerit
 Duplex, vel Semiduplex, transferatur in primam diem simili
 Festo non impeditam. Et quoniam in Regno Castelle in pluribus
 Ecclesiis celebratur die xxx. Decembris Translatio sancti Iacobi
 Apostoli Hispaniarum Patroni, praecipuum Duplex, & in Bre-
 uiario ponitur die xxix festiuitas sancti Thome Archiepiscopi Can-
 tuariensis & Martyris, Semiduplex; & in anno, quo festiuitas
 sancti Thome occurrit in Dominica, iuxta regulam Breuiarii
 transfertur in diem sequentem; quo die in eo Regno celebratur
 supradicta festiuitas sancti Iacobi, posteaque per plures dies non
 venit aliqua dies vacua, in qua possit celebrari festiuitas praedicti
 sancti Thome; volumus, ut in eo anno festum ipsum sancti Thome
 transferatur ad primam diem Duplici non impeditam, quae erit
 Vigilia Epiphaniae, & tunc de Vigilia fiat tantum commemoratio:
 ad Vesperas autem Epiphaniae nulla fiat commemoratio de festo
 sancti Thome praedicti. Cum vero in Ecclesiis & Religionibus
 Hispania vigeat consuetudo, quod diebus Paschalibus & Festiuita-
 tibus

5
tibus maioribus celebret Missam Conuentualem Antistes, vel alia
persona principalis, & regula Missalis ordinet, quòd omnibus diebus
Dominicis infra annum Sacerdos, qui celebrauerit Missam Con-
uentualem, exeat ante celebrationem Missa cum pluuiiali, vel
cappa, & cum ministris ad incipiendum in Altari maiori An-
tiphonom Asperges, & aspergendum aquam benedictam populo:
concedimus, quòd Antistes, seu alia persona principalis celebrans
Missam Conuentualem, praemissa facere non teneatur, sed illa fa-
cere possit quilibet alius simplex Sacerdos eius loco, & quòd talis
Sacerdos non deferat pluuiiale, sed albam, vel stolam, vel super-
pelliceum, & stolam; nec procedat associatus cum ministris, sed
solum cum Acolythis. Haec autem omnia, & singula, Breuiarium
& Missale concernentia, per sel. rec. Pium V & nos concessa pro
Hispaniarum Prouincijs, volumus, ut intelligantur etiam concessa
Ecclesijs insularum & terra firma Indiarum dicto Regi Catholico
subiectarum. Et insuper statuimus, quòd Missa Sanctorum, qua
iuxta motum proprium dicti Pij V. in Missali Romano in Hispa-
nijs imprimendo possunt imprimi, non in corpore, sed in fine dicti
Missalis imprimantur. Et ita per praesentes Apostolica auctori-
tate declaramus, statuimus, concedimus & indulgemus: Non
obstantibus praemissis, & litteris Praedecessoris praedicti in Breuiario
& Missali ac Regulis sub Rubricis generalibus cum ipsismet Bre-
uiarijs & Missalibus impressis, nec non omnibus & singulis in eis
contentis prohibitionibus, clausulis, derogationibus & decretis. Qua
omnia Nos ad effectum praesentium in dictis Prouincijs locum sibi
non vendicare decernimus, ac alijs, quae dictus Praedecessor in suis
litteris obstat non voluit ceterisque contrarijs quibuscumque Ut
autem praesentes litterae omnibus innotescant, volumus, & districte
precipiendo omnibus & singulis librorum impressoribus in partibus
illis consistentibus mandamus ut illas in cuiuslibet Missalis & Bre-
uiarii principio imprimant, & imprimi curent, alias illis non
appositis & impressis praesentes nemini suffragentur Datum Roma
apud sanctum Petrum sub Annulo Piscatoris die xxx. Decem-
bris, M. D. LXXI. Pontificatus nostri anno primo.

Caes. Glorierius.

DECRETVM PRO HISPANIS.

Nomine nationis Hispanorum supplicauit Doctor Michaël de Erze præcipi ubique locorum, ubi celebratur festum Translationis corporis sancti Iacobi Apostoli de Ierosolymis ad Hispaniam sub die 30. Decembris, celebrari debere tam in Officio quam in Missa, & tam per Sacerdotes saculares quam per regulares, cum propria Oratione inferius describenda, dictamque Orationem pro festo dictæ Translationis imprimi etiam mandari.

Oratio.

Deus, qui dispositione mirabili corpus beati Iacobi Apostoli tui de Ierosolymis ad Hispaniam transferri, & in Compostella gloriosè sepeliri voluisti: concede, quæsumus, ut eius meritis & precibus in caelesti Ierusalem collocari mereamur. Per Dominum nostrum, &c.

Sacra Rituum Congregatio petita concessit: & ita ab omnibus ubique locorum prædictum festum Translationis celebrantibus in posterum cum prædicta Oratione propria seruari mandauit, hac die v. Marty, M. DC. XXXI II.

C. Episcopus Portuens. Card. Pius.

Loco sigilli.

Iulius Rospigliosius Secret.

7

PROPRIVM SANCTORVM HISPANORVM.

FESTA DECEMBRIS.

DIE VIII. DECEMBRIS.

In festo Immaculatae Conceptionis B. Mariæ Virginis. Duplex.

Officium fit vt in Breuiario Romano.

Quod Festum cum Octaua ALEXANDER VII. in omnibus Regnis Hispaniarum & Indiarum Catholice Maiestatis imperio subiectis, tum à Sæcularibus, tum à Regularibus vtriusque sexus, qui ad Horas Canonicas recitandas tenentur, de præcepto recitari mandauit.

DIE IX. DECEMBRIS.

In festo S. Leocadiæ virginis & martyris Patronæ Toletanæ. Duplex.

In Vesperis extra diocesim Toletanam. Officium fit de Conceptione beatæ Mariæ Duplex, cum commemorat. S. Leocadiæ virginis & mart. Antiph. Veni sponsa Christi, accipe coronam, quam tibi Dominus præparauit in æternum. *Ps.* Specie tua, & pulchritudine tua. *R.* Intende, prosperè procede, & regna.

Oratio.

Beatae Leocadiæ virginis & martyris tuæ, quasumus Domine, precibus & meritis adiuuemur: vt quæ pro tui nominis confessione carceres & mortem pertulit, suo nos patrocinio ab æterno carcere defendat. Per Dominum nostrum Iesum Christum.

Deinde fit commemoratio Feriæ.

Si festum Conceptionis venerit in Dominica, transferatur in Feriam iij. & tunc in primis Vesperis sanctæ Leocadiæ omnia de ipso festo, vt in Communi Virginum & martyrum præter Orationem: & fit commemoratio Dominicæ.

In secundis autem Vesperis omnia de festo Conceptionis, cum commemoratione sanctæ Leocadiæ & Feriæ.

Ad Matutinum omnia dicuntur de Communi Virginis & martyris, præter Lectiones, quæ assignantur propriæ.

In primo Nocturno; Lectiones. Confitebor tibi Domine, Rex. *de Communi Virginum & martyrum.*

In secundo Nocturno.

Ex Breuariis, Martyrologiis,
& Hystoriis antiquis.

Lectio iii



Leoecadia virgo Toletana nobilis genere, sed nobilior Christiana pietate, eo tempore martyrium passa est, quo Diocletiano & Maximiano Imperatoribus, tam dira in Dei Ecclesiam persecutio commota est, ut vbiq; gentium conquisiti Christiani, aut Christi fidem abnegare, aut mortem subire cogerentur. Ad quam crudelitatem exercendam, & veri Dei cultum in Hispania extinguendum, missus est ab Imperatoribus Dacianus præses. Qui, multis ciuitatibus eius Prouinciæ Martyrum sanguine consecratis, vbi Toletum venit, Leocadiam ad se accersiri iubet, eamq; blanditiis primum delinire aggreditur: deinde etiam terroribus ac modis omnibus de proposito colendæ Christianæ religionis deducere conatur. Cuius impiam orationem Leocadia detestata, in vincula coniicitur, ut aut sententiam mutet,

aut vim immanium tormentorum experiatur.

Resp. Propter veritatem, & mansuetudinem, & iustitiam, Et deducet te mirabiliter dextera tua. *Ps.* Specie tua & pulchritudine tua intende, prosperè procede, & regna. Et deducet.

Lectio v.

Cum autem in custodiam virgo duceretur, Deo humili corde gratias egit, quod pro Christo fundendi sanguinem sibi occasionem obtulisset. Conuersaque ad eos, qui se lacrymis prosequabantur, placido vultu, Eia, inquit, Christi milites, congratulamini mihi: quoniam digna habita sum pro nomine Iesu contumeliam pati. In tetro carcere diu iacuit, donec auditis sæuissimis tormentorum generibus, quibus Dacianus per multos Christianos excruciatos necauerat, pio dolore commota, flexis humi genibus, Deum precata est, ut se (si ita expediret) è custodia corporis educeret ad confitendum nomini eius: exauditaq; à Domino, squallore confecta, impollutum spiritum in oratione Deo reddidit.

Re. Dilexisti iustitiam, & odisti iniquitatem: Propterea vniuit te Deus, Deus tuus, olea

oleo lætitiæ. *Ps.* Propter veritatem, & mansuetudinem, & iustitiam. Propterea.

Lectio vi.

Lecadia igitur corpus honorificè à Christianis in suburbio Toletano sepelitur. Vbi postea, & in loco ubi mortua est, duæ Ecclesiæ Collegiatae; & tertia item Parochialis in ædibus, in quibus habitavit, eius nomine dedicatæ etiam nunc extant. Quibus tantus honor Gothorum tempore est habitus, ut in eis potissimum multa Concilia Toletana, eaque frequentissima habitæ: & sanctissimi Archiepiscopi Toletani, Eugenius tertius, Ildefonsus, & Iulianus, in Leocadiæ Basilica, propter virginis reuerentiam, sepulti sunt. Hæc sanctissima virgo post mortem è tumulo surrexit, & Recesuintho Rege præsentem, & magna hominum multitudine, beato Ildefonso apparuit, eiusque studium in gloriosissimam virginem Mariam commendauit.

R. Afferentur Regi virgines post eam, proximæ eius, Afferentur tibi in lætitiæ & exultatione. *Ps.* Specie tua & pulchritudine tua intende, prosperè procede, & regna. Afferentur. *Gloria Patri.* Afferentur.

Lectio sancti Euangelij secundum Matthæum.

Lectio vij. Cap. 25.

In illo tempore: Dixit Iesus discipulis suis parabolam hanc: Simile erit regnum cælorum decem virginibus, quæ accipientes lampades suas, exierunt obuiam sponso & sponsæ. Et reliqua.

Homilia sancti Isidori Archiepiscopi Hispalensis, *Lib. Sententiarum, cap. 40.*

Virgo carne, non mente, nullum præmium habet in repromissione. Vnde & insipientibus virginibus Saluator in iudicio veniens, dicit: Amen dico vobis, nescio vos: ubi enim iudicans mentem corruptam inuenerit, carnis proculdubio incorruptionem damnabit. Nihil prodest incorruptio carnis, ubi non est integritas mentis. Nihilque valet mundum esse corpore eum qui pollutus est mente.

R. Hæc est virgo sapiens, quam Dominus vigilantem inuenit, quæ acceptis lampadibus sumpsit secum oleum: Et veniente Domino, introiuit cum eo ad nuptias.

Ps. Media nocte clamor factus est; Ecce sponsus venit, exite obuiam ei. Et veniente.

Lectio viij.

Multi sunt reproborum qui carnalis corruptelae contagium nesciunt. Qui sicut infecundi sunt corpore, ita steriles manent mente, operisque boni fecunditate. Qui rectè de virginitate gauderent, si aliis prauis operibus non inferuissent. Qui continentiam profiteretur, & ab aliis terrenis desideriis non subtrahitur; quamuis hunc luxuria carnis non polluat, diuersa tamen mundanae conuersationis operatio maculat.

Media nocte clamor factus est: Ecce sponsus venit, exite obuiam ei. **V**. Prudentes virgines aptate vestras lampades. Ecce sponsus venit. **G**loria Patri, Ecce sponsus.

Lectio ix.

Virgines de suis meritis gloriantes, hypocritis comparantur, qui gloriam noui operis foris appetunt, quam intra conscientiam humiles habere debuerunt. Tales igitur ad promissa caelestia non perueniunt: quia ipsae sibi virginitatis praeuium per elationis vitium auferunt. Hoc est enim in Euangelio non habere virgines in vasis oleum, id est, non seruare intra conscien-

tiam boni operis testimonium; sed in facie gloriari apud homines, non in corde apud Deum.

Te Deum laudamus.

Ad Laudes & per Horas, de Communi Virginum & Martyrum.

Oratio vt supra. 7.

Et sit commemoratio Octauae & Ferae; quibus in Vesperis additur sancti Melchiadis Papae & martyris.

DIE X. DECEMBRIS.

Tertia die infra Octauam Conceptionis beatae

Mariae.

In primo Nocturno leguntur Lectiones de Scriptura occurrente.

In secundo Nocturno.

Sermo sancti Bernardi Abbatis.

Serm. in c. 12 Apocalypsis.

Lectio iij.

Nouum fecit Dominus super terram; vt mulier circumdaret virum, nec alium quam Christum, de quo dicitur: Ecce vir, Oriens nomen eius. Nouum quoque fecit in caelo, vt mulier sole appareret amicta. Denique & coronauit eum, & vicissim ab eo meruit coronari. Egredimini filiae Sion, & videte regem Salomonem in diademate, quo coronauit eum mater sua. Verum

rūm hoc aliās. Interim sanē ingreditur magis, & videte Reginam in diademate, quo coronauit eam Filius suus. In capite, inquit, eius corona stellarum duodecim.

Conceptio gloriose virginis Mariæ, ex semine Abrahamæ, orta de tribu Iuda, clara ex stirpe David, Cuius vita inclyta cunctas illustrat Ecclesias. *Verſ.* Hodie concepta est beata virgo Maria ex progenie David. Cuius vita,

Lectio

Dignum planē stellis coronari caput, quod & ipsis longē clariū micans, ornet eas potiū, quā ornetur ab eis. Quidni coronent sidera, quā sol vestit? Sicut dies verni circumdabant eam flores rosarum, & lilia conuallium. Nimirum laua sponsi sub capite eius, & iam dextera illius amplexatur eam. Quis illas aestimet gemmas, quis stellas nominet, quibus Mariæ regium diadema compactum est?

Cum iucunditate Conceptionem beatæ Mariæ celebremus: * Ut ipsa pro nobis intercedat ad Dominum Iesum Christum. Corde, & animo Christo canamus gloriam in hac sacra solem-

nitate præcellæ genitricis Dei Mariæ. Ut ipsa.

Lectio

Quid ergo sidereum micat in generatione Mariæ? planē quod ex regibus orta, quod ex semine Abrahamæ, quod generosa ex stirpe David. Si id parum videtur, adde quod generationi illi ob singulare priuilegium sanctitatis diuinitus nōscitur esse concessa: quod longē antē eisdem patribus cælitus repromissa, quod mysticis præfigurata miraculis, quod oraculis prænuntiata propheticiis. Hanc enim sacerdotalis virga, dum sine radice floruit: hanc Gedeonis vellus, dum in medio siccæ areæ maduit; hanc in Ezechielis visione orientalis porta, quæ nulli vnquam patuit, præsignabat.

Rep. Conceptio tua, Dei genitrix virgo, gaudium annuntiauit vniuerso mundo: * Ex te enim ortus est sol iustitiæ, Christus Deus noster: * Qui soluens maledictionem, dedit benedictionem; & confundens mortem, donauit nobis vitam sempiternam. Benedicta tu in mulieribus, & benedictus fructus ventris tui. Ex te. Gloria Patri. Qui soluens.

In tertio Nocturno.

Lectio sancti Euangelij secundum Matthæum.

Lectio vij. Cap. i.

Liber generationis Iesu Christi, filij Dauid, filij Abraham. Abraham genuit Isaac. Isaac autem genuit Iacob. Et reliqua.

De Homilia sancti Hilarij Episcopi.

Comment. in Matth. can. 2.

Non refert quis in originis numero atque ordine collocetur, dummodo vniuersorum familia coepta esse intelligatur ab vna. Itaque cum eiusdem tribus sit Ioseph & Maria, dum profectus esse ex Abraham genere Ioseph ostenditur, profecta quoque docetur & Maria. Hæc enim in lege ratio seruata est, vt si mortuus sine filiis familiæ princeps esset, defuncti vxorem posterior frater eiusdem cognationis acciperet, susceptosque filios in familiam eius, qui mortuus esset, referret: maneretque ita in primogenitis successionis ordo, cum patris eorum qui post se nati essent, aut nomine haberentur, aut genere.

Beatam meditent omnes generationes: Quia fecit mihi Dominus magna qui potens est, & sanctum nomen eius. Et misericordia

eius à progenie in progenies timentibus eum. Quia fecit mihi. **Lectio viij.**

Sequens illud est, vt, quia diximus secundum rerum fidem generationis istius ordinem nec numero sibi nec successionem constare, huius quoque rei ratio afferatur. Non enim levis causa est, vt aliud in narratione sit, aliud fuerit in gestis: & aliud referatur in summa, aliud verò teneatur in numero. Namque ab Abraham vsque ad Dauid quatuordecim generationes numeratæ sunt: & à Dauid vsque ad transmigrationem Babylonis in quibusdam libris decem & septem deprehenduntur. Sed in hoc non mendacii, aut negligentiae vitium est. Tres enim ratione præteritæ sunt. Nam Ioras genuit Ochoziam; Ochozias verò genuit Ioam, Ioas deinde Amasiam, Amasias autem Oziam: & in Matthæo Ioras Oziam genuisse scribitur, cum quartus ab eo sit. Hoc ita, quia ex gentili femina Ioras Ochoziam genuit, ex Achab scilicet, qui Iézabel habuit vxorem.

Felix namque es sacra virgo Maria, & omni laude dignissima: Quia ex te ortus est sol iustitiæ, Christus

stus Deus noster. *Y.* Ora
pro populo, interueni pro
clero, intercede pro deuoto
femineo sexu: sentiant om-
nes tuum iuuamen, quicum-
que celebrant tuam sanctam
Conceptionem. Quia ex te.
Gloria Patri. Christus.

Lectio ix.

D Enique per Prophetam
non nisi quarta gene-
ratione in throno regio Is-
raëlis quemquam de domo
Achab esse sessurum dicitur.
Purgata igitur labe familiæ
gentilis tribus, quæ præte-
vitis iam regulis, in quarto
generationum consequentium
ordine numeratur, & vlti-
me ad Mariam generatio-
nes quatuordecim esse scri-
buntur, cum in numero de-
cem & septem reperiantur,
nullus error esse poterit
scientibus non eam solum
esse Domino nostro Iesu
Christo originem, quæ cœ-
pit ex Maria: sed in pro-
creatione corporea, natiui-
tatis æternæ significantiam
comprehendi.

Tc Deum laudamus.

In Laudibus fit com-
memoratio Feriæ, & sancti
Melchiadis Papæ & Mar-
tyris.

Vesperæ à Capitulo de
S. Damaso Papa & confes-
sione, cum commemoratione
Octauæ & Feriæ.

DIE XI. DECEMBRIS.

Quarta die infra Octauam

Conceptionis beatæ

Mariæ.

Fit de S. Damaso Papa &
confessione, cum commemo-
ratione Octauæ, & Feriæ in
Laudibus.

Vesperæ à Capitulo de
Octaua, cum commemora-
tione sancti Damasi & Fe-
riæ.

DIE XII. DECEMBRIS.

Quinta die infra Octauam

Conceptionis beatæ

Mariæ.

In primo Nocturno legun-
tur Lektionen de Scriptura
occurrente.

In secundo Nocturno.

Ex libro sancti Epiphaniij Epi-
scopi aduersus hæreses.

Lib. 3. hæresi 78. post med.

Lectio iij.

B Eata mater Dei Ma-
ria per Heuam signi-
ficatur, quæ per æni-
gma accepit, vt mater viuen-
tium vocetur. Illa etenim
mater viuentium vocata est,
etiam postquam audiuit:
Terra es, & in terram re-
uerteris, post transgressio-
nem. Et mirum est, quòd
post transgressionem hoc ma-
gnum cognomen habuit. Et
quod quidem pertinet ad
rem sensibilem, ab illa Heua
omnis hominum generatio
deducta est in terra: hinc au-

tem, verè à Maria hæc vita mundo genita est, vt viuentem gigneret, & fieret Maria mater viuentium. Per ænigma igitur Maria mater viuentium appellata est.

R. Conceptio gloriosæ virginis Mariæ, ex semine Abrahamæ, ortæ de tribu Iuda, clara ex stirpe Dauid, * Cuius vita inclyta cunctas illustrat Ecclesias. *ψ.* Hodie concepta est beata virgo Maria ex proge-
nie Dauid. Cuius vita.

Lectio v.

Hæc datum est opere corpus sensibile propter nuditatem sensibilem : Mariæ verò datum est à Deo, vt pareret nobis Agnum & ouem, & ex gloria ipsius Agni & ouis fieret nobis velut à vellere in sapientia per virtutem ipsius indumentum incorruptibilitatis. Hæc etiam mortis causa facta est hominibus : per ipsam enim mors ingressa est in mundum : Maria verò causa vitæ, per quam genita est nobis vita, & per hanc Filius Dei aduenit in mundum : & vbi abundauit peccatum, ibi superabundauit & gratia : & vnde illata est mors, illinc processit & vita, vt vita pro morte fieret : & qui per mulierem nobis vita factus est, mortem ex muliere indutam excluderet. Et quoniam

illuc Heua, cum adhuc esset virgo, per inobedientiam transgressa est : è contrario per virginem obedientia gratia facta est, annuntiato aduentu in carne de celo, & vita æterna.

R. Cum iucunditate Conceptionem beatæ Mariæ celebremus : * Vt ipsa pro nobis intercedat ad Dominum Iesum Christum. *ψ.* Corde & animo Christo canamus gloriam in hac sacra solemnitate præcellæ genitricis Dei Mariæ. Vt ipsa.

Lectio vi.

DE Maria accipitur (siccat mihi hoc dicere) quod scriptum est de Ecclesia : Relinquet homo patrem suum & matrem suam, & adhærebit uxori suæ : & erunt duo in carne vna. Sanctus autem Apostolus dicit : Mysterium hoc magnum est, ego autem dico in Christo & Ecclesia. Et vide scripturarum accuratam dicendi proprietatem, quod de Adam quidem dixit, formauit : de Heua verò, non formatam esse, sed edificatam. Accepit enim, inquit, vnā de costis eius, & edificauit ipsi in uxorem. Quo ostendat, Dominum quidem de Maria efformasse sibi ipsi corpus, ab ipsa verò costa edificatam esse Ecclesiam, in quod.

quod punctum & apertum
est ipsius latus, & mysteria
sanguinis & aquæ, pretia re-
demptionis facta sunt.

R. Conceptio tua, Dei geni-
trix virgo, gaudium annun-
tiauisti vniuerso mundo: * Ex
te enim ortus est sol iustitiæ,
Christus Deus noster: * Qui
soluens maledictionem, de-
dit benedictionem: & con-
fundens mortem, donauit
nobis vitam sempiternam.
V. Benedicta tu in mulieri-
bus, & benedictus fructus
ventris tui. Ex te. **G**loria Pa-
tri. Qui soluens.

In tertio Nocturno.

**Lectio sancti Euangelij se-
cundum Matthæum.**

Lectio vij.

Cap. i.

Liber generationis Iesu
Christi, filij David, filij
Abraham. Abraham genuit
Isaac. Isaac autem genuit Ia-
cob. Et reliqua.

**Homilia sancti Ioannis
Chrysostomi.**

**Homilia 2. in Matth.
post initium.**

Aldiu quidem mirabi-
le est, quod ineffabilis
Deus, & qui nec sermonibus
explicari potest, nec cogita-
tionibus comprehendere, Pa-
tri que per omnia coequalis,
per Virginis ad nos venit vte-
rum, & fieri ex muliere digna-
tus est, & habere progenitores
David, & Abraham: & quid

dico, David & Abraham?
etiam illas, quod magis stu-
pendum est, feminas, quas
paulò antè memorauimus. Hæc
igitur audiens mente con-
surge, nihilque humile suspi-
ceris, sed potius propter
hoc ipsum maximè mirare,
quia cum verus & dilectus
filius sit sempiterni Dei, et-
iam filius David esse digna-
tus est, modò vt te filium fa-
ceret Dei: seruum patrem ha-
bere dignatus est, vt tibi
seruo patrem faceret ipsum
Deum.

R. Beatam me dicent om-
nes generationes: Quia fe-
cit mihi Dominus magna
qui potens est, & sanctum
nomen eius. **V.** Et miseri-
cordia eius à progenie in
progenies timentibus eum.
Quia fecit mihi.

Lectio viij.

Vides ab ipso statim prin-
cipio, quàm laeta sint
hæc nuntia. Quod si ambigis
de his quæ ad tuum spectant
honorem, ab iis quæ illius
sunt, etiam tua disce crede-
re. Quantum enim consecui
potest humana ratio, multò
est difficilius Deum homi-
nem fieri, quàm hominem
Dei filium consecrari. Cum
ergo audieris, quia Filius
Dei, filius sit & David &
Abrahæ: dubitare iam desi-
ne, quod & tu, qui filius es

Adæ,

Adæ, futurus sis filiüs Dei: non enim semetipsum ita humiliasset, nisi nos esset exaltaturus. Natus est enim secundum carnem, vt tu nascerere spiritu: natus est ex muliere, vt tu desineres filius esse mulieris.

Resp. Felix namque es sacra virgo Maria, & omni laude dignissima: * Quia ex te ortus est sol iustitiæ, * Christus Deus noster. **Vers.** Ora pro populo, interueni pro clero, intercede pro deuoto femineo sexu: sentiant omnes tuum iuuamen, quicumque celebrant tuam sanctam Conceptionem. Quia ex te. Gloria Patri. Christus.

Lectio ix.

Propterea duplex facta generatio est, hæc scilicet nostræ similis, illa nostram eminenter excedens. Quod enim natus ex femina est, & nobis competit; quod verò non ex sanguine, neque ex voluntate carnis aut viri, sed ex Spiritu sancto, aliam nobis sublimiorem, futuramque & spiritu consequendam generationem promittit. Sed alia quoque omnia ex simili diuersitate constabant. Nam & baptisma profectò tale suscepit, quod haberet quidem aliquid veteris, haberet & noui. Quod enim baptizatus est à Propheta, ex-

pressit vetus; quod autem descendit Spiritus, adumbravit nouum.

Te Deum laudamus.

In Laudibus fit commemoratio Ferie.

Vesperæ de S. Lucia virgine & martyre, cum commemoratione Octauæ & Ferie.

DIE XIII. DECEMBRIS.

Sexta die infra Octauam

Conceptionis beatæ Mariæ.

Fit de S. Lucia virgine & martyre, cum commemoratione Octauæ Conceptionis & Ferie, in Laudibus & Vesperis.

DIE XIII. DECEMBRIS.

Septima die infra Octauam

Conceptionis beatæ Mariæ.

In primo Nocturno leguntur Lektionen de Scriptura corrente.

Si autem hac die occurrat FERIA III. Quatuor Temporum, Lektionen primi Nocturni leguntur vt in die Ferie, & Lectio nona de Homine Ferie.

In secundo Nocturno.

Ex Epistola sancti Ambrosii Episcopi ad Siricium Papam.

Epist. 81. al. 7. **Lectio** III.

DE via peruersitatis produntur dicere: Virgo concepit, sed non virgo generauit. Potuit ergo

ergo virgo concipere, non potuit virgo generare, cum semper conceptus precedat, partus sequatur? sed si doctrinis non creditur sacerdotum, credatur oraculis Christi, credatur monitis Angelorum dicentium: Quia non est impossibile Deo omne verbum. Credatur Symbolo Apostolorum, quod Ecclesia Romana intemperatum semper custodit & seruat. Audiuit Maria vocem Angeli, & qui antè dixerat: Quomodo fiet istud? non de fide generationis interrogans, respondit postea: Ecce ancilla Domini, contingat mihi secundum verbum tuum.

R. Conceptio gloriosæ virginis Mariæ, ex semine Abrahamæ, ortæ de tribu Iudæ, clara ex stirpe David, * Cuius vita inclyta cunctas illustrat Ecclesias. *Vers.* Hodie concepta est beata virgo Maria ex progenie David. Cuius vita.

Ex libro sancti Hieronymi Presbyteri aduersus Iouinianum.

Ex Apolog. ad Pammachium, pro Libro aduersus Iouinianum, in fine.

Lectio v.

Christus virgo, mater virginis nostri virgo perpetua, mater & virgo.

Iesus enim clausis ingressus est ostiis: & in sepulchro eius quod nouum & in petra durissima fuerat excisum, nec antea quis, nec postea positus est: Hortus conclusus, fons signatus: de quo fonte ille fluuius manat, iuxta Ioël, qui irrigat torrentem vel flumen, vel spinarum: funium, peccatorum, quibus antè alligabamur: spinarum, quæ suffocant sementem patrisfamilias. Hæc est porta orientalis, vt ait Ezechiel, semper clausa, & lucida, operiens in se, vel ex se proferens sancta sanctorum: per quam sol iustitiæ & pontifex noster secundum ordinem Melchisedech ingreditur & egreditur.

R. Cum iucunditate Conceptionem beatæ Mariæ celebremus; * Vt ipsa pro nobis intercedat ad Dominum Iesum Christum. *Vers.* Corde & animo Christo canamus gloriam in hac sacra solemnitate præcellæ genitricis Dei Mariæ. Vt ipsa.

Ex libro sancti Irenæi Episcopi & martyris aduersus hæreses.

Lib. 5. c. 19. Lectio vi.

In sua propria veniente Domino, & sua propria eum baiulante conditione, quæ baiulatur ab ipso, & recapitulationem eius quæ in ligno

ligno fuit inobedientiæ, per eam quæ in ligno est, obedientiam faciente, & seductione illa soluta, qua seducta est malè illa, quæ iam viro destinata erat virgo Heua; per veritatem euangelizata est benè ab Angelo iam sub viro virgo Maria. Quemadmodum enim illa per Angelicum sermonem seducta est, ut effligeret Deum, prauariata verbum eius: ita & hæc per Angelicum sermonem euangelizata est, ut portaret Deum; obediens eius verbo. Et sicut illa seducta est, ut effligeret Deum; sic hæc suasa est obedire Deo, ut virginis Heuæ virgo Maria fieret aduocata. Et quemadmodum adstrictum est morte genus humanum per virginem, soluatur per virginem; aqua lance disposita virginalis inobedientia, per virginalem obedientiam.

℟. Conceptio tua, Dei genitrix virgo, gaudium annuntiavit vniuerso mundo: * Ex te enim ortus est sol iustitiæ, Christus Deus noster: * Qui soluens maledictionem, dedit benedictionem: & confundens mortem, donauit nobis vitam sempiternam. * Benedicta tu in mulieribus, & benedictus fructus ventris tui. Ex te. Gloria Patri. Qui soluens.

In tertio Nocturno.

Lectio sancti Euangelij secundum Matthæum.

Lectio vij. Cap. i.

Liber generationis Iesu Christi, filij Dauid, filij Abraham. Abraham genuit Isaac. Isaac autem genuit Iacob. Et reliqua.

De Homilia sancti Ioannis Chrysostomi.

Vnde supra, paulò post.

Cuius verò rei gratia librum ipsum generationis Christi vocat, ubi non utique generatio, sed tota prorsus sola ipsius mysterij dispensatio continetur? quia totius scilicet dispensationis caput, radix atque principium omnium nobis in hoc consistit bonorum. Ut enim Moyses librum cæli appellauit ac terræ, cum certè non de cælo solum terræque loqueretur; sed de cunctis quæ inter ipsa subsistunt: ita etiam Euangelista ab ipso omnium fonte & capite bonorum librum vocat.

℟. Beatam me dicent omnes generationes: * Quia fecit mihi Dominus magna qui potens est, & sanctum nomen eius. * Et misericordia eius à progenie in progenies timentibus eum. Quia fecit mihi.

Lectio vij.

Qua verò de causa non eum antè filium Abraham, & postea filium Dauid nuncu-

nuncupauit: Non, sicut opinantur aliqui, ab inferioribus volens ad superiora conscendere. Ceterum fecisset quod fecit. & Lucas nunc autem è contrario facit. Cur ergo commemorauit priorem Dauid? Quia ipse proculdubio in omnium versabatur ore; ob insigne honoris & gloriæ, ob ipsius quoque temporis spatia iunctiora. Etsi enim utrique promiserat Deus, sed tamen illud quasi antiquum reticebatur, hoc verò quasi nouum & recens ab omnibus celebrabatur.

Felix namque es sacra virgo Maria, & omni laude dignissima: Quia ex te ortus est sol iustitiæ, Christus Deus noster. *Veni Ora pro populo, interueni pro clero; intercede pro deuoto femineo sexu: sentiant omnes tuum iuuamen, quicumque celebrant tuam sanctam Conceptionem. Quia ex te. Gloria Patri. Christus.*

Lectio ix.

Ipsi namque Iudæi dicunt: Nonne ex femine Dauid, & Bethleem castello, vbi erat Dauid, venit Christus? Nemo igitur illum filium Abrahæ, sed omnes filium Dauid nominabant: qui etiam honorabiliores quosque de sanctitate Reges, qui post Dauid fuisse referuntur, ab illo

omnes vocabant. Nec ipsi solùm, verum etiam Deus: nam & Ezechiel & alij Prophetæ dicunt, Dauid surrecturum esse eis, atque venturum; non de illo utique mortuo iam loquentes, sed de iis qui illius virtutem erant imitaturi. Propterea igitur à notiore interim, & celebratiore persona sumit exordium; & tum demum ad antiquiorem recurrit parentem. **Te Deum.**

In Laudibus sic commemoratio facit.

Ad Vesperas duplex & cetera dicuntur sicut in primis Vesperis Festi, cum commemoratione Felix, & S. Iulij Episcopi & martyris. 20. 1. 152. **DIE XV. DECEMBRIS.**

Octaua Conceptionis beate Mariæ. Duplex. In nocturno, Lektionen de Scriptura occurrente.

Si autem hac die occurrat Feria iiij. Quatuor Temporum, Lektionen primi Nocturni leguntur ut in die Festi, & Lectio nona de Homilia Feria.

In secundo Nocturno. De Expositione sancti Gregorij Papæ in libros Regum.

In i. Reg. i. Lectio iij.

Fuit vir vnus de Ramathaim-sophim, de monte Ephraim. Potest huius montis nomine beatissima

ma semper virgo Maria, Dei genitrix, designari. Mons quippe fuit, quæ omnem electæ creaturæ altitudinem, electionis suæ dignitate transcendit. An non mons sublimis Maria, quæ ut ad conceptionem æterni Verbi pertingeret, meritorum verticem supra omnes Angelorum choros usque ad solium Deitatis erexit? Huius enim montis præcellentiſſimam dignitatem Isaias vaticinans, ait: Erit in nouissimis diebus præparatus mons domus Domini in vertice montium. Mons quippe in vertice montium fuit, quia altitudo Mariæ supra omnes Sanctos refulsit.

R. Conceptio gloriôsæ virginis Mariæ, ex semine Abrahamæ, ortæ de tribu Iuda, clara ex stirpe David, Cuius vita inclyta cunctas illustrat Ecclesias. *V.* Hodie concepta est beata virgo Maria ex progenie David. Cuius vita.

Ex Epistola sancti Leonis
Papæ ad Pulcheriam
Augustam.

Epistola 13. ante medium.
Lectio v.

Sacramentum reconciliationis nostræ ante tempora æterna dispositum, nullæ implebant figuræ: quia nondum supervenerat Spiritus sanctus in Virginem, nec virtus Altissimi obumbrave-

rat ei, ut & intra intemperate viscera, ædificante sibi Sapientia domum, Verbum caro fieret, & forma Dei ac forma servi in unam convenientem personam, creator temporum nasceretur in tempore, & per quem facta sunt omnia, ipse inter omnia gigneretur. Nisi enim non homo, factus in similitudinem carnis peccati, nostram susciperet vetustatem, & consubstantialis Patri, consubstantialis esse dignaretur & matri; naturamque sibi nostram solus à peccato liberaret; sub iugo diaboli generaliter teneretur humana captivitas.

R. Cum iucunditate Conceptionem beatæ Mariæ celebremus: *** Ut ipsa pro nobis intercedat ad Dominum Iesum Christum: *V.* Corde & animo Christo canamus gloriam in hac sacra solemnitate præcellæ genitricis Dei Mariæ. Ut ipsa. *De Expositione sancti Basilij Episcopi, in Isaiam Prophetam.*

In c. 8. post initium.
Lectio vj.

Acceſſi, inquit, ad prophetissam, & in utero accepit, & peperit filium. Quod Maria prophetissa fuerit, ad quam proximè acceſſit Isaias per prænotationem spiri-

spiritus, nemo contradixerit, qui sit memor verborum Mariæ, quæ prophetico afflata spiritu elocuta est. Quid enim ait? Magnificat anima mea Dominum; & exultauit spiritus meus in Deo salutari meo; quia respexit humilitatem ancillæ suæ: ecce enim ex hoc beatam me dicent omnes generationes. Quod si animum accommodaueris vniuersis eius verbis; non utique contentiosè negaueris eam fuisse prophetissam, quòd Domini spiritus in eam superuenerit, & virtus Altissimi obumbrauerit ei.

R. Conceptio tua, Dei genitrix virgo, gaudium annuntiavit vniuerso mundo: Ex te enim ortus est sol iustitiæ, Christus Deus noster: Qui soluens maledictionem, dedit benedictionem: & confundens mortem, donauit nobis vitam sempiternam. **V.** Benedicta tu in mulieribus, & benedictus fructus ventris tui. **Ex te. Gloria Patri. Qui soluens.**

In tertio No. Anno.
Lectio sancti Euangelij secundum Matthæum.

Lectio vij. Cap. i.

Liber generationis Iesu Christi, filij David, filij Abraham. Abraham genuit Isaac. Isaac autem genuit Iacob. Et reliqua.

De Homilia sancti Ioannis Chrysostomi.

Vnde supra, paulò post.

Dvo sunt, quæ pariunt quæstionem. Vnum, quæ causa sit, vt in generationum catalogo Virgo si-leatur: alterum verò, quæ ratione Ioseph memoretur, cui certè nihil cum Christi generatione est commune. Videtur enim & vnum abundare, & alterum deesse. Quid ergo dicemus? quòd utique primùm illud necesse fuerit memorari, quemadmodum ex David virgo descenderit. Vnde hoc itaque discemus? Audi ad Gabriel loquentem Dominum: Vade ad Virginem desponsatam viro, cui nomen Ioseph, ex domo & familia David. Quid vis audire manifestius, cum ex domo & familia David illam virginem esse cognoscas?

R. Beatam me dicent omnes generationes: Quia fecit mihi Dominus magna qui potens est, & sanctum nomen eius. **V.** Et misericordia eius à progenie in progenies timentibus eum. Quia fecit mihi.

Lectio viij.

Non erat mos apud Hebræos, generationum catalogum per feminas texere. Vt ergo & morem custodiret, nè in ipso statim principio videretur antiqua destruc-

destruere; & nobis virginem certius indicaret; parentes eius reticens atque maiores, de Ioseph generatione non tacuit. Siue enim hæc fecisset in Virgine, nouitatis non effugisset inuidiam: siue Ioseph reticisset, non agnosceremus ex qua tribu Virgo subsisteret. Vt ergo & nos discerneremus, quæ esset Maria, vel vnde, & consuetudo legis permaneret immobilis, generationum catalogum vsque ad sponsum eius perduxit, ac de domo illum Dauid esse monstrauit. *Psalmus.* *Antiphona.* Felix namque es sacra virgo Maria, & omni laude dignissima; * Quia ex te ortus est sol iustitiæ, * Christus Deus noster. *Vers.* Ora pro populo, interueni pro clero, intercede pro deuoto femineo; sexus sentiant omnes tuum iuuamen; quicumque celebrant tuam sanctam Conceptionem. Quia ex te: Gloria Patri. Christus Deus.

Lectio ix.

Hoc enim declarato, illud quoque pariter ostendit, quod scilicet inde esset & Virgo; quia utique nequaquam iustus iste pateretur uxorem sibi aliunde, quam vnde lex præcipiebat, eligere. Possumus verò aliam quoque & altiore quidem proferre rationem, ob quam parentes

Virginis prætermissi sunt. Sed quia ea est? Noluit Euangelista recenti adhuc tempore noui illius admirandique partus Iudæis esse manifestum, quod Christus natus fuisset ex Virgine. Neque proprius noster hic sermo est, sed à nobis de Patrum atque insignium virorum traditione susceptus.

Te Deum laudamus.

In Laudibus fit commemoratio Feriæ, & sancti Eusebii Episcopi & Martyris.

DIE XVI. DECEMBRIS.

Hic ad laudes & per horas decantantur Antiphona propria Feriæ Aduentus, in qua occurrit festum Expectationis B. Mariæ Virginis, omnia quæ ante ad Canticum dicuntur, in eodem loco dicantur ea quæ ad Canticum pertinent in Psalterio. & idem hoc de Antiphona in die S. Thomæ occurrentibus reponitur in salutaris, quando festum Expectationis huiusmodi in Sabbato venerit, ut scilicet Antiphona in die S. Thomæ decurrat, nunc reponantur xij. Decembris, dempta ea quæ dicitur ad Canticum, ut supra.

DIE XVIII. DECEMBRIS.

In festo Expectationis beate Mariæ Virginis: *Deus.* *Antiphona.* *Ad Vesperas.* Missus est. cum reliquis de laude.

Laudibus. Psalmi, Dixit Dominus. Laudate pueri. Lætatus sum. Nisi Dominus. Lauda Ierusalem. vt in Offi.

no paulo beatæ Mariæ.

Capitulum. Isaia II.

Egredietur virga de radice Iesse, & flos de radice eius ascendet, & requiescet super eum Spiritus Domini.

Hymnus.

Creator alme siderum,
Æterna lux creden-

tium,
Iesu Redemptor omnium,
Intende votis supplicum.

Qui dæmonis ne fraudibus
Periret orbis, impetu

Amoris actus, languidi
Mundi medela factus es.

Commune qui mundi nefas
Vt expiaret, ad Crucem

E Virginis Sacrario
Intacta prodixisti Victimam.

Cuius potestas gloriæ,
Nomenque cum primum

sonat,
Et Cælites, & inferi

Tremante curuantur genu.

Pro deprecamur ultimæ
Magnum diei Iudicem;

Armis supernæ gratiæ
Defende nos ab hostibus.

Virtus, honor, laus, gloria
Deo Patri cum Filio,

Sancto simul Paraclito,
In sæculorum secula. Amen.

V. Ave Maria, gratia plena.
R. Dominus tecum.

Ad Magnificat Antiphona.
Spiritus sanctus in te descendet Maria, ne timeas, habebis in vtero Filium Dei, alleluia.

Oratio.

Deus, qui de beatæ Mariæ virginis vtero, Verbum tuum, Angelo nuntiante, carnem suscipere voluisti: præsta supplicibus tuis; vt qui verè eam genitricem Dei credimus, eius apud te intercessionibus adiuuemur. Per eundem Dominum nostrum Iesum Christum.

Deinde pro commemoratione Auentus, Antiph. O.

Ad Magnificum, Immaculatum.
Ave Maria, gratia plena:

Dominus tecum. Psal. Venite, exultemus.

Hymnus.

V. Verbum supernum pro-

diens
E Patris æterni sinu,

Qui natus orbi subuenis,
Labente cursu temporis:

Illumina nunc pectora;
Tuoque amore concrema;

Vt cor caduca deserens
Cæli voluptas impleat:

Vt, cum tribunal Iudicis
Damnabit igni noxios,

Et vox amica debitum
Vocabit ad cælum pios;

Non esca flammæ nigras
Voluamur inter turbines,

Vultu Dei sed compotes
Cæli fruamur gaudiis.

Patri, simulque Filio,
Tibi que sancte Spiritus,

Sicut

Sicut fuit, fit iugiter
Sæculum per omne gloria.

Amen.

In primo Nocturno, Añã.
Ecce Dominus noster cum
virtute veniet, & illumina-
bit oculos seniorum suo-
rum, alleluia. **Psalmus. D o-**
mine Dominus noster. Anti-
phona. Rorate cæli de-
super, & nubes pluant iu-
stum: aperiatur terra; &
germinet Salvatorem. **Psal-**
mus. Cæli enarrant. **Anti-**
phona. Ecce nomen Domi-
ni de longinquo; & clari-
tas eius replet orbem terra-
rum. **Psalmus. D**omini est
terra. Ex Sion species de-
coris eius. **R.** Deus noster
manifestè veniet.

De Isaia Propheta.

Lectio i. **Cap. 7. b**

ET adiecit Dominus lo-
qui ad Achaz, dicens:
Petetibi signum à Do-
mino Deo tuo in profun-
dum inferni, siue in excel-
sum suprà. Et dixit Achaz:
Non petam, & non tentabo
Dominum. Et dixit: Audite
ergo domus Dauid: Num-
quid parum vobis est, mole-
stos esse hominibus, quia
molesti estis & Deo meo?
Propter hoc dabit Dominus
ipse vobis signum. Ecce vir-
go concipiet, & pariet fi-
lium: & vocabitur nomen
eius Emmanuel. Butyrum

& mel comedet, vt sciat re-
probare malum, & eligere
bonum.

R. Non auferetur sceptrum
de Iuda, & dux de femore
eius, donec veniat, qui mit-
tendus est: Et ipse erit ex-
spectatio Gentium. **V.** Pul-
chriores sunt oculi eius vino:
& dentes eius lacte candi-
diores. Et ipse erit.

Lectio ij. **Cap. ii.**

ET egredietur virga de
radice Iesse, & flos de
radice eius ascendet: Et re-
quiescet super eum spiri-
tus Domini: spiritus sapien-
tiæ & intellectus, spiritus
consilij & fortitudinis, spi-
ritus scientiæ & pietatis:
& replebit eum spiritus ti-
moris Domini. Non secun-
dum visionem oculorum iu-
dicabit, neque secundum au-
ditum aurium arguet: sed
iudicabit in iustitia paupe-
res, & arguet in æquitate
pro mansuetis terræ: & per-
cutiet terram virga oris sui,
& spiritu labiorum suorum
interficiet impium. Et erit
iustitia cingulum lumborum
eius: & fides cinctorium re-
num eius.

Resp. Orietur stella ex Ia-
cob: & consurget homo
de Israël. & confringet om-
nes duces alienigenarum:
& erit omnis terra pos-
sessio eius. **Vers.** De Iacob
erit

erit qui dominabitur, & perdet reliquias ciuitatis. Et erit omnis.

Lectio iij. Cap. 35.

Lætabitur deserta & inuia, & exultabit solitudo, & florebit quasi lilium. Germinans germinabit, & exultabit lætatura & laudans. Gloria Libani data est ei: decor Carmeli & Saron: ipsi videbunt gloriam Domini, & decorem Dei nostri. Confortate manus dissolutas, & genua debilia roborate. Dicite pusillanimis: Confortamini, & nolite timere. Ecce Deus vester ultionem adducet retributionis: Deus ipse veniet, & saluabit vos. Tunc aperientur oculi cæcorum, & aures surdorum patebunt. Tunc saliet sicut cæuus claudus: & aperta erit lingua mutorum: quia scissæ sunt in deserto aquæ, & torrentes in solitudine. Et quæ erat arida, erit in stagnum, & sitiens in fontes aquarum.

Rep. Descendet Dominus sicut pluuia in vellus: oriatur in diebus eius iustitia, & abundancia pacis.

V. Et adorabunt eum omnes reges: omnes gentes seruiant ei. Et abundancia. Gloria Patri. Et abundancia.

Pars Hiemalis, & Verna.

In secundo Nocturno, Añã.
De Sion exhibit lex, & verbum Domini de Ierusalem.

Psalmus. E ructauit. *Antiphona.* Ecce Deus noster, expectauimus eum, & saluabit nos, alleluia. *Psalmus. D* eus noster refugium.

Antiphona. Dominus veniet, occurrите illi, dicentes: Magnum principium; & regni eius non erit finis. Deus fortis, dominator, princeps pacis, alleluia. *Psalmus. M* agnus Dominus. *Vers.* Egredietur virga de radice Iesse.

Rep. Et flos de radice eius ascendet.

Sermo sancti Ildefonsi Archiepiscopi Toletani.

Ex libro de Virginitate beata Maria.

Lectio iij.

Domina mea atque dominatrix mea, dominans mihi, mater Domini mei, ancilla Filij tui, genitrix factoris mundi; te rogo, te oro, te quaeso, vt habeam spiritum Domini tui, spiritumque Filij tui, nec non & spiritum Redemptoris mei, vt de te vera & digna sapiam, vera & digna loquar, vera & digna quæcumque sunt, diligam. Tu enim es electa à Deo, assumpta à Deo, aduocata à Deo, proxima Deo, adhærens Deo, coniuncta Deo.

Visitata ab Angelo, salutata ab Angelo, benedicta ab Angelo, beatificata ab Angelo. Turbata in sermone, attonita in cogitatione, stupens in salutatione, admirata in dictorum annuntiatione.

Resp. Ecce virgo concipiet, & pariet filium, dicit Dominus: * Et vocabitur nomen eius Admirabilis, Deus, Fortis. **Verf.** Super solium David, & super regnum eius sedebit in æternum. Et vocabitur.

Lectio v.

Inuenisse te apud Deum gratiam audis: & ne timeas iuberis. Vnde & tu fiducia roboraris, cognitione miraculorum instrueris, ad nouitatem inaudite glorie proueheris. De prole ab Angelo nuntiata es; & post factum integra & pudica manes. Certa virginitas nobis proponitur, & nasciturum ex te sanctum Dei Filium, tibi ab Angelo euangelizatur: & quæ sit nascentis Regis potentia, mirabiliter intimatur. Quomodo fiat quæris, de origine interrogas, de ratione perferutaris, de experientia requiris, de ordine sciscitaris. Audi inauditum oraculum, considera inuisitatum opus, animaduerte incognitum arcanum, attende inui-

sum factum, Spiritus sanctus superueniet in te, & virtus Altissimi obumbrabit tibi.

Resp. Rorate cæli desuper, & nubes pluant iustum: * Aperiatur terra, & germinet Saluatorem. **V.** Emitte Agnum Domine Dominatorem terræ, de Petra deserti ad montem filiae Sion. Aperiatur terra,

Lectio vi.

Tota inuisibiliter Trinitas conceptionem operabitur in te: sola persona Filij Dei in corpore tuo nascitura carnem assument de te. Ideoque quod concipietur ex te, quod nasceretur ex te, quod prodiet ex te, quod germinabitur ex te, quod parturietur ex te Sanctum, vocabitur Filius Dei. Erit enim hic magnus, hic Deus Virtutum, hic Rex omnium sæculorum, hic factor omnium rerum. Ecce beata tu inter mulieres, integra inter puerperas, Domina inter ancillas, Regina inter sorores. Ecce, ex hoc beatam te dicent omnes generationes, beatam te nouerunt omnes cælestes Virtutes, beatam te prædicant omnes Vates, beatam te celebrant omnes nationes. Beata tu fidei nostræ, beata tu animæ nostræ, beata dilectioni nostræ, beata præconiis & prædicationibus meis.

R. Dotebit nos Dominus vias suas, & ambulabimus in semitis eius. * Quia de Sion exiit lex, & verbum Domini de Ierusalem. **Vers.** Venite ascendamus ad montem Domini, & ad domum Dei Iacob. Quia de Sion. Gloria Patri. Quia de Sion.

cui nomen Nazareth; ad virginem desponsatam viro, cui nomen erat Ioseph, de domo David; & nomen virginis Maria. Et reliqua.

Homilia venerabilis Bedæ

Presbyteri.

In Evangelium Luca cap. I. & in Homiliis hiemalibus de Tempore, Feria quarta Quatuor Temporum mensis Decembris.

In tertio Nocturno, **Añā.** Dominus dabit benignitatem, & terra nostra dabit fructum suum. **Palm.** Benedixisti. **Antiphona.** Ecce veniet Deus & homo de domo David sedere in throno, alleluia. **Psalms.** Iudamenta eius. **Antiphona.** Annuntiate populis; & dicite: Ecce Deus Saluator noster veniet. **Psalms.** Cantate. **j. Vers.** Egredietur Dominus de loco sancto suo. **Resp.** Veniet ut saluet populum suum.

AD Mariam virginem Gabriel mittitur, qui Dei fortitudo nominatur: illum quippe nuntiare veniebat, qui ad debellandas aëreas potestates humilis apparere dignatus est. De quo per Psalmistam dicitur: Dominus fortis & potens, Dominus potens in praelio. Et nuntius: Dominus virtutum ipse est Rex gloriæ. Per Dei ergo fortitudinem nuntians erat, qui Virtutum Dominus, & potens in praelio, contra potestates aëreas ad bella veniebat. Et ingressus Angelus ad eam dixit: Ave gratia plena: Dominus tecum: Benedicta tu in mulieribus. Bene gratia plena vocatur, quæ mirum gratiam, quam nulla alia meruerat, allequitur; ut ipsum videlicet gratiæ concipiat & generet auctorem.

Si hoc festum venerit in Feria quarta Quatuor Temporum Adventus, loco tenentur Homilie leguntur tres. Lectiones Homilie eundem Feriæ iiii. cum Responsoriis quæ hic assignantur. Lectio sancti Evangelij secundum Lucam.

Cap. I. c.

In illo tempore: Missus est Angelus Gabriel a Deo in civitatem Galilææ,

Ave Maria, gratia plena: Dominus tecum. * Spiritus sanctus superueniet in te, & virtus Altissimi obumbrabit tibi: quod enim ex te nascetur Sanctum, vocabitur Filius Dei. **V.** Quomodo fiet istud, quoniam virum non cognosco? Et respondens Angelus dixit ei. Spiritus sanctus.

Lectio viij.

Ecce concipies in utero, & paries filium, & vocabis nomen eius Iesum. Iesus Saluator, siue salutaris, interpretatur: cuius sacramentum nominis; alloquens Ioseph, Angelus exposuit: Ipse enim (inquiens) saluum faciet populum suum à peccatis eorum. Non autem populum Israël, sed populum suum, hoc est in unitatem fidei ex præputio & circumcisione vocatum: quibus ex diuersa parte vocatis, fieret vnus pastor, & vnum ouile. Hic erit magnus, & Filius Altissimi vocabitur, & dabit illi Dominus Deus sedem David patris eius. Idem ergo Filius Altissimi, qui in utero virginali conceptus & natus est. Idem homo in tempore creatus ex matre, qui Deus est ante tempora natus ex Patre. Si autem idem homo qui Deus est; omittat Nestorius, hominem

tantum dicere ex Virgine natum.

Resp. Suscipe verbum virgo Maria, quod tibi à Domino per Angelum transmissum est: concipies & paries Deum pariter & hominem: * Ut benedicta dicaris inter omnes mulieres. **V.** Paries quidem filium, & virginitatis non patieris detrimentum: efficieris gruida, & eris mater semper intacta. Ut benedicta. **Gloria Patri.** Ut benedicta.

Lectio ix.

Ideoque, & quod nascetur ex te Sanctum, vocabitur Filius Dei. Ad distinctionem nostræ sanctitatis, Iesus sanctus singulariter nasciturus asseritur. Nos quippe etsi sancti efficimur; non tamen nascimur, quia ipsa naturæ corruptionis conditione constringimur, ut merito cum Propheta gementes singuli dicamus: Ecce enim in iniquitatibus conceptus sum, & in delictis peperit me mater mea. Ille autem solus veraciter sanctus est, qui ut ipsam conditionem naturæ corruptibilis vinceret, ex commixtione carnis copulæ conceptus est. Sanctum, inquit, vocabitur Filius Dei. Quid hic dicis Nestoriane, qui beatam Mariam Dei negans esse genitricem, aperte

apertè niteris impugnare veritatem? Ecce Deum dixit superuenturum, Dei Filium nasciturum. Quomodo ergo aut Dei Filius Deus non est, aut quæ Deum edidit, quomodo Theotócos, id est, Dei genitrix, non esse potest.

Te Deum laudamus.

A D L A V D E S

& per Horas. Añs.

Missus est Gabriel Angelus ad Mariam virginem desponsatam Ioseph. Plalmus. Dominus regnauit cum reliquis de Dominica.

Antiphona. Ave Maria, gratia plena: Dominus tecum: Benedicta tu in mulieribus, alleluia. **Antiphona.** Ne timeas Maria, Inuenisti gratiam apud Dominum: ecce concipies, & paries filium, alleluia. **Antiphona.** Dabit ei Dominus sedem David patris eius, & regnabit in æternum. **Antiphona.** Ecce ancilla Domini: fiat mihi secundum verbum tuum.

Capitulum. *Isaia II.*

Egredietur virga de radice Iesse, & flos de radice eius ascendet, & requiescet super eum Spiritus Domini.

Hymnus.

En clara vox redarguit Obscura quæque, personans:

Procul sugentur somnia:
Ab alto Iesus promicat.

Mens iam resurgat torpida,
Non amplius iacens humi:
Sidus refulget iam nouum,
Ut tollat omne noxium.

En Agnus ad nos mittitur
Laxare gratis debitum:
Omnes simul cum lacrymis
Precemur indulgentiam:
Ut, cum secundo fulserit,
Metuque mundum cinxerit,
Non pro reatu puniat,
Sed nos pius tunc protegat.
Virtus, honor, laus, gloria
Deo Patri cum Filio,
Sancto simul Paraclito,
In sempiterna sæcula.

Amen.

V. Spiritus sanctus superueniet in te. **R.** Et virtus Altissimi obumbrabit tibi.

Ad Benedictus, Antiphona.
Super solium David, & super regnum eius sedebit in æternum.

Oratio.

Deus, cui de beatæ Mariæ virginis utero, Verbum tuum, Angelo nuntiantem, carnem suscipere voluisti: præsta supplicibus tuis; ut qui verè eam, genitricem Dei credimus, eius apud te intercessionibus adiuemur. Per eundem Dominum nostrum Iesum Christum.

Deinde sit commemoratio Ferie.

Ad Tertiam, Antiphona.
Ave Maria. **Capitulum.** Egredietur virga, ut suprâ.

R. breue. Tu exurgens Domine, * Misereberis Sion. Tu exurgens. **V.** Quia tempus miserendi eius, quia venit tempus. Misereberis. **G**loria Patri. Tu exurgens. **V.** Rorate celi desuper, & nubes pluant iustum. **R.** Aperiat terra, & germinet Saluatorem.

Ad Sextam, Antiphona.

Ne timeas Maria.

Capitulum. *Isaia 7. c*

Ecce virgo concipiet, & pariet filium, & vocabitur nomen eius Eminanniel. Butyrum & mel comedet, ut sciat reprobare malum, & eligere bonum.

R. breue. Rorate celi desuper, * Et nubes pluant iustum. Rorate. **V.** Aperiat terra, & germinet Saluatorem. Et nubes. **G**loria Patri. Rorate. **V.** Emitte Agnum Domine Dominatorem terrarum. **R.** De Petra deserti ad montem filiae Sion.

Ad Nonam, Antiphona.

Ecce ancilla Domini.

Capitulum. *Isaia 45. b*

Rorate celi desuper, & nubes pluant iustum: aperiat terra, & germinet Saluatorem, & iustitia oriatur simul: ego Dominus creavi cum.

R. breue. Emitte Agnum Domine, * Dominatorem terrarum. Emitte. **V.** De Petra de-

ferti ad montem filiae Sion. Dominatorem. **G**loria Patri. Emitte. **V.** Spiritus sanctus superueniet in te. **R.** Et virtus Altissimi obumbrabit tibi.

In secundis Vesperis,

Antiphona.

Missus est Gabriel Angelus ad Mariam virginem desponsatam Ioseph. **Psalmi.** Dixit Dominus. Antiphona. Ave Maria, gratia plena: Dominus tecum: Benedicta tu in mulieribus. alleluia. **Psalmus.** Laudate pueri Dominum. Antiphona. Ne timeas Maria, inuenisti gratiam apud Dominum: ecce concipies, & paries filium, alleluia. **Psalm.** I. ætatus sum. **Añ.** Dabit ei Dominus sedem David patris eius, & regnabit in æternum. **Psalm.** Nisi Dominus. **Añ.** De fructu ventris tui ponam supra sedem tuam. **Psalm.** Memento Domine David.

Capitulum. Hymnus & **V.** ut in primis Vesperis. 23.

Ad Magnificat, Antiphona. O Virgo virginum, quomodo fiet istud? quia nec primam similem visa es, nec habere sequentem. Filiae Ierusalem quid me admiramini? Diuinum est mysterium hoc, quod cernitis.

Oratio. Deus, qui de beata Maria. **R.** supra. 29.

Pro commemoratione Ad-
uentus, Antiphona. O.

DIE XXX. DECEMBRIS.

In festo Translationis S. Ia-
cobi Apostoli, & Hispania-
rum Apostoli & Patro-

ni. Duplex maius.

In utrisque Vesperis, An-
tiphona. Tecum principium.
cum reliquis Antiphonis &
Psalmis ex secundis Vesperis
Natiuitatis Domini.

Capitulum. I. Cor. 4. b

FRatres: Puto, quod Deus
nos Apostolos nouissi-
mos ostendit, tamquam mor-
ti destinatos: quia spectacul-
um facti sumus mundo, &
Angelis, & hominibus.

Hymnus.

Defensor alme Hispa-
niae,

Iacobe, vindex hostium,

Tonitruum quem filium

Dei vocauit Filius:

Huc celi ab altis sedibus

Conuerte dexter lumina,

Audiente lati debitas

Grates tibi quas soluimus.

Grates refert Hispania,

Felix tuo quæ nomine

Te gloriatur iugiter

Dignata sacris ossibus.

Tu, cæca nox atque impia

Nos cum teneret vanitas,

Lucem salutis primitus

Oris Iberis impetras.

Tu, bella cum nos cinge-

rent,

Es vilis ipso in prælio,

Equoque & ense acerrimus
Mauros furentes sternere.

Freti tuo nos pignore,

Largum tuo te munere:

Rogamus omnes, vt tuæ

Spē protegas præsentia.

Iesu, tibi sit gloria,

Qui natus es de Virgine,

Cum Patre, & almo Spiritu,

In sempiterna sæcula. Amen.

Verf. In omnem terram exi-

uit sonus eorum. **Resp.** Et

in fines orbis terræ verba

eorum.

Ad Magnificat. Antiphona.

Misit Herodes rex manus;

vt affligeret quosdam de Ec-

clesia: occidit autem Iaco-

bum fratrem Ioannis gladio.

Oratio.

Deus, qui dispositione
mirabili corpus beati

Iacobi Apostoli tui de Iero-

solymis ad Hispaniam trans-

ferri, & in Compostella glo-

riose sepeliri voluisti: conce-

de, quaesumus; vt eius meri-

tis & precibus in celesti Ie-

rusalem collocari mereamur.

Per Dominum nostrum Ie-

sum Christum.

Postea fit commemoratio

S. Thomæ Cantuariensis, si

non contingat transferri ad

Vigiliam Epiphaniæ, iuxta

Breue Gregorij XIII. in prin-

cipio appositum, deinde Octa-

uarum.

Si Dominica (aut dies in

quo ad formam Breuarij

fit de ea) venerit isto die; fiet commemoratio Dominicæ in primis Vesperis, & ad Laudes ante commemorationem Octauarum. & nona Lectio legitur de Homilia Dominicæ. In secundis autem Vesperis, post commemorationem S. Siluestri fit commemoratio Dominicæ & Octauarum.

Quando verò fit de Dominica in die præcedenti vel in sequenti, fiet commemoratio Dominicæ in primis vel in secundis Vesperis respectu ante commemorationem Octauarum.

Ad Matutinum: omnia de Communi Apostolorum præter ea quæ hic habentur propria; & in Laudibus fit commemoratio Octauarum.

In primo Nocturno Lectiones de Epistola prima ad Corinthios. Sic nos existimet homo, de Communi Apostolorum.

℟. j. Procedens Iesus iuxta mare Galilææ, vidit duos fratres, Iacobum Zebedæi, & Ioannem fratrem eius, in naui, * Et vocauit eos, qui statim relictis retibus, & patre, secuti sunt Dominum. ⁊. Erant Iacobus & Ioannes fratres in naui cum Zebedæo patre eorum, reficientes retia sua. Et vocauit eos.

℟. ij. Vocauit ad se Dominus Iacobum Zebedæi, & Ioannem fratrem Iacobi, & fecit vt essent secum inter duodecim, & vt mitteret eos prædicare. * Et imposuit eis nomina, Boanerges: quod est, filij tonitruui. ⁊. In omnem terram exiuit sonus eorum, & in fines orbis terræ verba eorum. Et imposuit.

℟. iij. Cùm venisset Iesus in domum principis synagogæ, * Non permisit intrare secum quemquam, nisi Petrum, & Iacobum, & Ioannem, & patrem & matrem puellæ. ⁊. Et dixit: Nolite flere: non est mortua puella, sed dormit. Non permisit. Gloria Patri, Non permisit.

In secundo Nocturno.

Lectio iij.

Compostellanæ Ecclesiæ monumentis traditur, sancti Iacobi Zebedæi filij corpus ex vrbe Ierosolyma per vastissimum mare, singulari Dei prouidentia aduectum, ad extremas Hispaniæ oras appulisse. Cuius in Iriæ Flauiae (quod est Gallaciæ oppidum) portu primum constitisset, non longè ab eo portu, in loco qui nunc Compostella dicitur, conditum, ob frequentes persecutiones, longo tempore latuisse. Sacrum hunc thesaurum

rum, Alfonso Regi Legionis (qui ob insignem pudicitiam Castus dictus est) diuinitus indicatum, idem Rex insigni Basilica, aliisque donis exornauit.

Pl. Assumpsit Iesus Petrum, & Iacobum, & Ioannem fratrem eius, & duxit illos in montem excelsum secretum. Et transfiguratus est ante eos. Et ecce apparuerunt illis Moyses & Elias cum eo loquentes. Et transfiguratus.

Lectio v.

AB eo tempore, multis magnisque miraculis sancti Iacobi memoria nobilitari coepta est. Ipse etiam gloriosus Apostolus in difficillimis praeliis palam se conspiciendum praebens, Hispanos aduersus infideles pugnantem mirifice iuuat. Quare factum est, ut vniuersa Hispania sanctum Iacobum praecipuum sibi Patronum diuino munere concessum, asciuerit; & vsque ad hanc diem in primis coluerit. Ceterum tanti Apostoli crebra miracula non modo intra Hispanias, sed in omnibus etiam Christianis prouinciis celebrata, fecerunt, ut, quemadmodum Ierosolymam ad sepulchrum Domini, & Romam ad Apostolorum limina; sic etiam Compostellam, ad sancti Iacobi reliquias vndique confluant,

religionis & voti causa, ex toto Christiano orbe peregrini.

12. Potestis bibere calicem quem ego bibo? aut baptismo, quo ego baptizor, baptizari? dixit Iesus Iacobo & Ioanni, filiis Zebedaei. At illi dixerunt ei, Possumus.

13. Calicem quidem, quem ego bibo, bibetis; & baptismo, quo ego baptizor, baptizabimini. At illi.

De Expositione sancti Augustini Episcopi super Psalmum octogesium sextum.

Ante medium. Lectio vi.

Fundamenta eius in montibus sanctis: diligit Dominus portas Sion. Quare sunt fundamenta Apostoli & Prophetae? quia eorum auctoritas portat infirmitatem nostram. Quare sunt portae? quia per ipsos intramus ad regnum Dei. Praedicant enim nobis: & cum per ipsos intramus, per Christum intramus. Ipse est enim ianua. Et cum dicuntur duodecim portae Ierusalem, & una porta Christus, & duodecim portae Christus, quia in duodecim portis Christus: & ideo duodenarius numerus Apostolorum. Sacramentum magnum huius duodenarii significatio est numeri. Sedebitis, inquit, super duodecim sedes, iudicantes duodecim tribus Israel.

R. Assumpsit Iesus Petrum, & Iacobum, & Ioannem secum, & coepit pauere, & tædere. * Et ait illis: Tristis est anima mea usque ad mortem. **V.** Sustinete hîc, & vigilate mecum. Et ait illis. **G**loria Patri. Et ait illis.

In tertio Nocturno.

Lectio sancti Evangelij secundum Matthæum.

Lectio vij. Cap. 20. c.

In illo tempore: Accessit ad Iesum mater filiorum Zebedæi cum filiis suis, adorans & petens aliquid ab eo. Et reliqua.

Homilia sancti Ioannis Chrysostomi.

Homilia 66. in Matth.

Non turbetur quisquam, si adeo imperfectos dicimus Apostolos fuisse: nondum enim mysterium crucis erat consummatum, nondum gratia Spiritus in corda ipsorum intusa. Quod si virtutem ipsorum discere cupis, quales post datam gratiam Spiritus fuerint, considera, & videbis omnem ab illis peruersam affectionem fuisse superatam. Hac enim de causa eorum modo imperfectio reuelatur, ut aperte percipere possis, quales subito per gratiam effecti fuerint. Quod igitur nihil spiritale petebant, nec de cælesti regno quidquam cogitabant, perspicuum est.

Sed tamen inspiciamus etiam quomodo accedant, & quid dicant: Volumus, inquit, ut quodcumque petierimus, facias nobis. Ad quos Christus: Quid vultis? respondit: non ignorans certè, sed ut eos respondere cogat, & vlcus detegat, & ita medicamentum apponat.

R. Misit Herodes rex manus, ut affligeret quosdam de Ecclesia: * Occidit autem Iacobum fratrem Ioannis gladio. **V.** Ecce ego mitto ad vos prophetas, & sapientes, & scribas, & ex illis occidetis. Occidit autem.

Lectio viij.

Illi verò cum erubescerent, & verecundia prohiberentur, quoniam humano affectu eo deuenerant, seorsum ab aliis discipulis Christum accipientes, interrogauerunt. Progressi sunt enim, inquit, ne illis manifesti fierent: & ita demum ea quæ volebant, dixerunt. Volebant autem, ut ego conicio, quoniam super duodecim sedes sessuros discipulos audierunt; primatum huius confessus impetrare: & praponi quidem se ceteris sciebant. Petrum verò sibi præferri formidantes, dicere ausi sunt: Dic ut vnus à dextris, alter à sinistris sedeat. Et vrgent dicentes: Quid

Quid igitur ipse? Ut significaret eos nihil petere ipiritale, sed nec scire quidem quid postulent: non enim petere auderent, si scirent; Nescitis, ait, quid petatis: nescitis quam magnum hoc sit, quam mirabile, ac ipsas superiores excedens virtutes.

Re'p. Iste est, qui ante alios Apostolos primus plantavit Ecclesiam sanguine suo: Cuius corpus in Gallæciam delatum, per totum orbem gloria illustratur. Vers. O si-
 dus, ô decus Hispaniæ, sancte Iacobe Apostole, intercede pro nobis ad Deum qui te elegit: Cuius corpus. Gloria Patri. Cuius corpus.

Si Dominica (aut dies in quo ad formam Beati Petri de ea) venerit isto die, nona Lectio legitur de Homilia Dominica.

Lectio ix.

ET adiecit: Potestis bibere calicem, quem ego bibiturus sum, & baptismo, quo ego baptizor, baptizari? Perpendis, quomodo statim ab hac opinione ipsos remouit, contraria eis differens. Nam vos, inquit, de honoribus & de coronis mecum agitis: ego vero de luctamine atque sudore dislero. Non præmiorum hoc tempus est,

nec illa gloria mea modo apparebit: sed cordis ac periculorum tempus præsens est. Perspice autem, qualiter ipsa interrogationis modo & hortatur & allicit: Non enim dixit: Potestisne eadem subire? Potestisne vestrum effundere sanguinem? sed, Quonam pacto potestis bibere calicem? Deinde alliciens, inquit, Quem ego bibiturus sum: ut ipsa cum eo communicatione laborum promptiores redderentur.

T. e Deum laudamus.

A D L A V D E S

& per Horas, Aña.

Accessit ad Iesum mater filiorum Zebedæi cum filiis suis adorans & petens aliquid ab eo. Psalmus. Dominus regnavit. cum reliquis de Dominica. Antiphona. Dic, ut sedeant hi duo filij mei, vnus ad dexteram tuam, & vnus ad sinistram in regno tuo. Antiphona. Potestis bibere calicem, quem ego bibiturus sum? Dicunt ei: Possimus. Antiphona. Calicem quidem meum bibetis: sedere autem ad dexteram meam & ad sinistram, non est meum dare vobis: sed quibus parauimus est à Patre meo. Antiphona. Quicumque voluerit inter vos maior fieri, sit vester minister.

Capitulum. 1. Cor. 4. b

Fratres: Puto, quod Deus nos Apostolos nouissimos ostendit, tamquam morti destinatos: quia spectaculum facti sumus mundo, & Angelis, & hominibus.

Hymnus.

Iesu salus mortalium,
 Nobis ades, dum dicimus
 Laudes Patrono Hispaniæ,
 Tuam canentes gloriam,
Laudandus hic est vnice,
 Quod primus in certamine
 Apostolis ex omnibus
 Pro te profudit sanguinem.
Tui beatus pluribus
 Notis amoris maximi;
 Quod testis vsque interfuit
 Reconditis mysteriis:
Seu vi potentis dexteræ
 Surgit Iairi filia,
 Quando in paternis ædibus
 Est excitata ab inferis:
Seu vultus, vt sol, splen-
 didus,
 Et vestis, vt nix, candida,
 Thaboris alto in vertice
 Signum tuæ dant gloriæ:
Seu monte oliui confito
 Angoris est iudex tui
 Sudor, tuo de corpore
 Ceu gutta manans sanguinis.
Iesu, tibi sit gloria,
 Qui natus es de Virgine,
 Cum Patre, & almo Spiritu
 In sempiterna sæcula. Amen.
 Vers. Annuntiauerunt opera
 Dei. Et facta eius intel-
 lexerunt.

Ad Benedictus, Antiphona.

Visitauit nos per sanctum suum Apostolum, & fecit salutem de inimicis nostris Dominus Deus noster.

Oratio.

Deus, qui dispositione mirabili corpus beati Iacobi Apostoli tui de Ierosolymis ad Hispaniam transferri, & in Compostella gloriose sepeliri voluisti: concede quaesumus; vt eius meritis & precibus in caelesti Ierusalem collocari mereamur. Per Dominum nostrum.

Et sunt Commemorationes iuxta Rubricam superius positam in primis Vesperis. 32.

Ad Tertiam, Antiphona.

Dic, vt sedeant. Capitulum. Fratres: Puto, quod Deus. vt suprà. 36.

R. breue. In omnem terram, * Exiuit sonus eorum. In omnem. **V.** Et in fines orbis terræ verba eorum. Exiuit. **G**loria Patri. In omnem. **V.** Constitues eos principes super omnem terram. **R.** Memores erunt nominis tui Domine.

Ad Sextam, Antiphona.

Potestis bibere calicem.

Capitulum. 1. Cor. 4. c

Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles.

R. br. Constitues eos principes, * Super omnem terram. Constitues. **Ÿ.** Memores erunt nominis tui Domine. Super. Gloria Patri. Constitues. **Ÿ.** Nimis honorati sunt amici tui Deus. **R.** Nimis confortatus est principatus eorum.

Ad Nonam, Antiphona.

Quicumque voluerit.

Capitulum. 1. Cor. 4. d

Nam si decem millia pedagogorum habeatis in Christo, sed non multos patres: nam in Christo Iesu per Euangelium ego vos genui.

R. breue. Nimis honorati sunt, Amici tui Deus. Nimis. **Ÿ.** Nimis confortatus est principatus eorum. Amici. Gloria Patri. Nimis. **Ÿ.** Annuntiauerunt opera Dei. **R.** Et facta eius intellexerunt.

Ad Vesperas, Antiphona. Tecum principium. cum reliquis Antiphonis & Psalmis de Natiuitate.

Capitulum, & Hymnus, vt in primis Vesperis. 31.

Vers. Annuntiauerunt opera Dei. **R.** Et facta eius intellexerunt.

Ad Magnificat, Antiphona. O beatum Apostolum, qui inter primos electus, primus omnium Apostolorum, Domini calicem bibere meruit! O gloriosum Hispaniæ re-

gnum, tali pignore ac patrono munitum, per quem fecit illi magna, qui potens est, alleluia.

Oratio. Deus, qui dispositione mirabili. 36.

Et sunt Commemorationes secundum Rubricam supra positam in j. Vesperis. 2.

FESTA IANVARII.

DIE XXIII. IANVARII.

In festo sancti Ildefonsi Archiepiscopi Toletani confessoris. Duplex.

Omnia de Communi Confessoris Pontificis præter Orationem & Lectiones.

Oratio.

EXaudi, quæsumus Domine, preces nostras, quas in beati Ildefonsi confessoris tui atque Pontificis solemnitate deferimus: & qui tibi dignè meruit famulari, eius intercedentibus meritis, ab omnibus nos absolue peccatis. Per Dominum nostrum.

Et fit commemoratio de SS. Vincentio & Anastasio martyribus, Añā. Gaudent in cælis animæ sanctorum, qui Christi vestigia sunt secuti; & quia pro eius amore sanguinem suum fuderunt, ideo cum Christo exultant sine fine. **Ÿ.** Exultabunt Sancti in gloria. **Ÿ.** Lætabuntur in cubilibus suis.

Oratio.

Adesto Domine supplicationibus nostris: vt qui ex iniquitate nostra reos

nos esse cognoscimus, beatorum martyrum tuorum Vincentij & Anastasij intercessione liberemur.

Postea de sancta Emerentiana, virgine & martyre, Antiphona. Veni sponsa Christi, accipe coronam, quam tibi Dominus præparauit in æternum. *Ÿ.* Specie tua, & puritudine tua. *R.* Intende, prosperè procede, & regna.

Oratio.

Indulgentiam nobis, quæsumus Domine, beata Emerentiana virgo & martyr imploret; quæ tibi grata semper exitit & merito castitatis, & tuæ professione virtutis. Per Dominum nostrum Iesum Christum.

In primo Nocturno, Lectiones de Comuni Confessoris Pontificis. Fidelis sermo.

In secundo Nocturno.
Ex Surio Tom. I. & aliunde.

Lectio iij.

Ildefonsus, qui & Alfonso dicitur, ratione Hispanus, Toleti nobilissimis Stephano & Lucia parentibus ortus, omniq̃ue cura nutritus, liberalibus disciplinis instructus est. Primum habuit præceptorem Eugenium Toleranum Antistitem, à quo miram ob indolem Hispalim ad Isidorum, mira tunc eruditione pollentem,

est missus. Duodecim apud Isidorum commoratus annos, tandem fruge bona, doctrinaq̃ue sana imbutus, Toletum remeavit ad Eugenium. Postquam verò factus est ob vitæ candorem, peritiamq̃ue non vulgarem, ab Eugenio Ecclesiæ Toletanæ Archidiaconus, munda cupiens laqueos declinare, in Agaliensi Monasterio, quod sanctis martyribus Cosmæ & Damiano tunc erat dicatum, insigne pietatis cucullum induit. Cui neque parentes iam prece, iam vi, omnia tentantes, obistere valuerunt, quin constanter in proposito permaneret.

Resp. Inueni David seruum meum, oleo sancto meo unxi eum: * Manus enim mea auxiliabitur ei. *Ÿ.* Nihil proficiet inimicus in eo, & filius iniquitatis non nocebit ei. Manus enim.

Lectio v.

Monachi non multò post Ildefonsum in de mortui Abbatis locum subrogarunt: suspiciebant siquidem in eo (præter virtutes reliquas) æquitatem, morum facultatem, prudentiam, raram sanctitudinem. Tantis itaque fulgor, tanta veteræ pietatis lux (quod ipse timebat) latere non poterat. *Euge-*

Eugenio namque vita functo, Cleri, Senatus, totiusque populi decreto Toletanus Archiepiscopus est creatus. In quo quidem Præsulatu, quantum verbo Ildefonsus profecerit, quæ miracula ediderit, quam multis fuerit nominibus de Virgine matre benè meritis, non facile quis explicare quiverit. Cornobium Virginum in Deilenti villula edificauit, ac magnis muneribus auxit. Hæreticos quosdam, qui in Hispania hæresim Eluidianam, tollentem perpetuam Mariæ Dei genitricis virginitatem, disseminabant, doctissime consultauit, ab Hispaniaque depulit: quam disputationem explicauit libro, quem scripsit de beatæ Mariæ virginitate, rem miraculo confirmante. Cum enim Ildefonsus ad preces Matutinas Expectationis beatæ Mariæ in Ecclesiam nocte descenderet, comites eius in Ecclesiæ limine, fulgore quodam repentino deteriti, retrocesserunt. Ille verò intrepidus ad aram progressus, Virginem ipsam vidit, & adorauit: ab eademque vestem, qua in sacrificiis vteretur, accepit.

Resp. Posui adiutorium super potentem, & exaltaui electum de plebe mea:

* Manus enim mea auxiliabitur ei. *Verf.* Inueni Dauid seruum meum, oleo sancto meo unxi eum. Manus enim mea.

Lectio vi.

Cum etiam dies sanctæ Leocadiæ festus ageretur, & Clerus frequensque populus conuenisset, Ildefonsus ad sepulchrum virginis Leocadiæ accedens, flexis suppliciter genibus precabatur. Et ecce reuerato repente sarcophago, Leocadia sanctissima prodiit: videntibusque cunctis & audientibus; Ildefonsi merita de virgine Maria commendauit dicens: O Ildefonse, per te viuit Domina mea, quæ cæli culmina tenet. Et Præsule colaudato redibat. Ildefonsus, nè res sine testibus tanta posteris referretur, arrepto Reccesunthi Regis, qui fortè tunc aderat, gladiolo, velaminis partem, quo caput Leocadiæ tegebatur, resecuit; eamque cum regio simul cultro celebri pompa in sacrarium intulit, vbi usque hodie seruetur. Scripsit multa luculentiori sermone; quorum, variis molestiarum occupationibus impeditus, aliqua cæpta, aliqua semiple-na reliquit. Obiit tandem diuus Ildefonsus feliciter ac sanctè,

sanctè, cum sedisset in Episcopatu annos louem, menses duos: sepultusque est in Basilica Leocadiæ circa annum Domini sexcentesium septuagesimum septimum, Receluintho in Hispania regnante. Cuius corpus in generali à Sarracenis Hispaniarum occupatione in ciuitatem Zamorensensem translatum est: & in Ecclesia beati Petri honorificè quiescens, magna illius populi religione colitur.

R. Iste est qui ante Deum magnas virtutes operatus est, & omnis terra doctrina eius repleta est: * Ipse intercedat pro peccatis omnium populorum. **V.** Iste est qui contempsit vitam mundi, & peruenit ad caelestia regna. Ipse intercedat. **Gloria Patri.** Ipse intercedat.

In tertio Nocturno Homilia in Euangelium. Vos estis sal terræ. ut in Communi Doctorum.

Lectio nona de sancta Emerentiana. Quod si festum sancti Ildefonsi in Dominica celebretur, nona Lectio erit de Homilia Dominice.

In Laudibus fit commemoratio sancte Emerentianæ. Antiphona. Simile est regnum celorum homini negotiatori querenti bonas margaritas: inuenta vna pretiosa,

dedit omnia sua, & comparauit eam. **V.** Diffusa est gratia in labiis tuis. **R.** Propterea benedixit te Deus in æternum.

Oratio. Indulgentiam. **ut supra. 38.**

**EST A APRILIS
DIE IV. APRILIS.**

**Sancti Isidori Archiepiscopi
Hispalensis, Confessoris & Doctoris.**

Duplex.

Si hoc Festum venerit in maiori Hebdomada, vel infra Octauam Paschæ, transferatur post Octauam, hanc Rubricam de Translatione Festorum: & tunc in hanc Antiphonam, Versus & Responsorium, Alleluia & tres Psalmi dicantur per singulos Nocturnos sub prima Antiphona illius Nocturni: quod etiam fit in omnibus Festis quæ celebrantur tempore Paschali.

Omnia de Communi Confessoris Pontificis, præter ea quæ hic habentur propria.

Ad Magnificat in vtrisque Vesperis, Antiphona. O Doctor optime, Ecclesiæ sanctæ lumen, beate Isidore, diuinæ legis amator, deprecare pro nobis Filium Dei.

Oratio.

Deus, qui populo tuo æternæ salutis beatum Isidorum ministrum tribuisti: præsta

præsta quæsumus; ut quem doctorem vitæ habuimus in terris, intercessorem habere mereamur in cælis. Per Dominum nostrum. •

Si celebratur in Quadragesima, sit commemoratio Petri in primis & secundis Vesperis.

In primo Nocturno, Lectiones. sapientiam omnium antiquorum, ut in Communi Doctorum.

In secundo Nocturno.

Ex S. Braulio Episcopo Casaraugustano, & aliis.

LECTIO III.

Isidorus natione Hispanus, Hispaniarum Doctor egregius, ex noua Carthagine, cui pater ipsius Severianus dominabatur, à sanctis viris Leandro Archiepiscopo Hispalensi, & Fulgentio Episcopo Astigitano, fratribus suis, sanctè & liberaliter in studio litterarum educatus est, & ingentem doctrinam Latinè, Græcè atque Hebraicè cum magna nominis claritate consecutus. Hic adolescens adhuc, hæresim Arianam, quæ Gentem Gothorum Hispaniæ latissimè dominantem penitus iam pridem inuaserat, tam constanter palàm arguebat, ut propè fuerit ut ab Arianis necaretur. Sed cohibitus à Leandro, hunc sibi successorem fore præsa-

gente, & ut se commodiori tempore reseruaret admonitus, indignationem temperauit.

Resp. Inueni David seruum meum, olco sancto meo vnxi eum: *Manus enim mea auxiliabitur ei. V. Nihil proficiet inimicus in eo, & filius iniquitatis non nocebit ei. Manus. *Lectio v.*

Igitur Leandro vita functo, Isidorus magno Regis Recaredi & populi consensu in Hispalensi Archiepiscopatu sufficitur. Quam electionem sanctus Gregorius Papa confirmauit, eiq̃ue pallium misit in Hispaniam. Quantum verò Pontifex factus fuerit constans & humilis, patiens & benignus, compatiens miseris & pauperibus, & cunctis virtutibus insignitus, nullius lingua sufficeret ad narrandum. Construxit monasteria, & collegia ædificauit, in quibus studiis sacris & diuinis lectionibus vacans, plurimos discipulos, qui ad eum confluebant, erudiuit: inter quos fuit beatus Ildefonsus Toletanæ Ecclesiæ postea Archiepiscopus. Scripsit librum Etymologiarum; & sacri Canonis libros plurimos commentatus est; & tot tantaq̃ue alia volumina scripsit, ut humana vix vita tantis suffectura laboribus videatur. Sed qui Deo student, nihil non procliue sentiunt, nihil

nihil frustra conantur, nihil non ex voto consequuntur.

R. Posui adiutorium super potentem; & exaltaui electum de plebe mea: * Manus enim mea auxiliabitur ei. **V.** Inueni David seruum meum; oleo sancto meo unxi eum. Manus enim mea.

Lectio vi.

Fuit denique Isidori tanta doctrinae ac sanctitatis opinio, ut, coacto Concilio generali, vixit si cui à Pontifice maximo vocatus: ubi mirum est quantum ponderis & auctoritatis habuerit in singulis rebus Isidori sententia apud Pontificem, & omnes Prælatos. Reuersus autem in Hispaniam cum suam mortem & Hispaniæ vastationem à Sarracenis publicè prædixisset, migravit è vita pridie Nonas Aprilis, anno Domini sexcentesimo trigesimo quinto, Sisenando in Hispania regnante. Cuius corpus sepultum primò Hispali, deinde translatum fuit in urbem Legionem à Fernando primo Castellæ simul & Legionis

Rege; qui illud ab Eneto Sarraceno Hispali regnante magnis precibus & præmiis impetrauit. cuius nomine templum ædificatum est Legionis; ubi sepultus, miraculis clarus, colitur magna populi religione.

R. Iste est qui ante Deum magnas virtutes operatus est, & omnis terra doctrina eius repleta est: * Ipse intercedat pro peccatis omnium populorum. **V.** Iste est qui contempsit vitam mundi, & peruenit ad cælestia regna. Ipse intercedat. **G**loria Patri. Ipse intercedat.

In tertio Nocturno, **Homilia in Euangelium.** Vos estis sal terræ. ut in **Communione Doctorem.**

Si celebratur in Quadragesima, nona Lectio dicitur de **Homilia Feriæ occurrentis, & de ea fit commemoratio.**
DIE XIII. APRILIS.

In festo sancti Hermenegildi martyris.

Duplex.

Omnia dicuntur ut in **Breviario Romano.**

EXORCISMVS

CONTRA

IMMINENTEM TEMPESTATEM

FVLGVRYM, ET GRANDINIS.



PER signum ✠
Crucis, de ini-
micis ✠ no-
stris, libera nos
✠ Deus no-
ster. In nomine Patris, ✠
& Filij, & Spiritus sancti,
Amen.

Dicatur Symbolum fidei,
scilicet **C**redo in Deum Pa-
trem, &c. Deinde **K** yrie
eleison. **C**hriste eleison.
K yrie eleison. **P**ater no-
ster. **Vers.** Adiutorium no-
strum in nomine Domini.

Resp. Qui fecit cælum & ter-
ram. **Vers.** Sit nomen Do-
mini benedictum. **Resp.** Ex
hoc nunc & vsque in sæ-
culum. **Vers.** Exurgat Deus,
& dissipentur inimici eius.

R. Et fugiant qui oderunt
eum, à facie eius. **Vers.** Ex-
surge Christe, adiuua nos.

R. Et libera nos propter
nomen tuum. **Vers.** Domine
exaudi orationem meam.

Resp. Et clamor meus ad
te veniat. **Vers.** Dominus
vobiscum. **R.** Et cum spiri-
tu tuo.

O remus. **Oratio.**

Domine Iesu Christe,
qui fecisti cælum &
terram, mare, & omnia quæ
in eis sunt, quique flumini
Iordani benedixisti, atque in
eo baptizari voluisti, & tuas
sanctissimas manus & bra-
chia sacratissima in cruce ex-
tendisti, quibus aërem san-
ctificasti: obsecramus immen-
sam pietatis & bonitatis tuæ
abundantiam, quatenus nu-
bes, quas ante me, & post
me, & supra me, à dextris
& à sinistris video aërem per-
turbare, dissoluere & anni-
hilare digneris: vt alligata po-
testas dæmonum impiè defæ-
uientium deficiat & turbetur,
ad laudem tui sanctissimi no-
minis, & potentissimæ ma-
iestatis tuæ. Qui viuís & re-
gnas cum Deo Patre in vni-
tate Spiritus sancti Deus, per
omnia sæcula sæculorum.

R. Amen.

Postea conuersus ad nu-
bes, signat eas signo ✠ di-
cens: Circumdet te nubes
Deus ✠ Pater. Circumdet te

Deus

Deus ✠ Filius. Circumdet
te Deus Spiritus ✠ sanctus.
Destruat te Deus ✠ Pater.
Destruat te Deus ✠ Filius.
Destruat te Deus Spiritus ✠
sanctus. Comprimat te Deus
✠ Pater. Comprimat te
Deus ✠ Filius. Comprimat
te Deus Spiritus ✠ san-
ctus. Amen.

Obsecratio. Sanctus Mat-
thæus, sanctus Marcus, san-
ctus Lucas, sanctus Ioannes
Euangelista, qui Christi Eu-
angelium per quatuor mun-
di partes diuulgarunt, ipsi
suis meritis & precibus hanc
tempestatem à termino isto,
& ab omnibus Christiano-
rum finibus, ab eodem Do-
mino nostro Iesu Christo
obtineant effugari & de-
pelli.

EXORCISMVS.

Et ego peccator, & Christi
Sacerdos seu minister, licet
indignus, auctoritate & vir-
tute eiusdem Dei & Domi-
ni nostri Iesu Christi summi
Imperatoris, non mea po-
tentia innixus & confusus,
vobis præcipio immundissi-
mi spiritus, qui has nubes
seu nebulas concitatis, in vir-
tute eiusdem Dei & Domi-
ni nostri Iesu Christi, per ✠
sanctissimam eius Incarna-
tionem, per sanctam Nati-
uitatem, per Baptismum &
Ieiunium ipsius, per eius san-

ctissimam Crucem ✠ &
Passionem, per sanctam Re-
surrectionem, per admira-
bilem Ascensionem, per tre-
mendum Aduentum eius &
Iudicium, per merita inte-
meratæ semperque Virginis
Mariæ & sanctissimi N. &
per merita omnium Sancto-
rum, vt exeatis ab eis, & eas
dispergatis in locis siluestri-
bus & incultis, quatenus no-
cere non possint hominibus,
animalibus, fructibus, her-
bis, arboribus, aut quibuf-
cumque rebus humanis vsi-
bus deputatis. Per eundem
Dominum nostrum Iesum
Christum, qui venturus est
iudicare viuos & mortuos, &
sæculum per ignem. Amen.
Ipse vobis imperat, damo-
nes, qui has nubes commo-
uetis, de quod nube lucida
dictum est: Hic est Filius
meus dilectus, in quo mihi
benè complacui. ✠ Ipse vo-
bis imperat, qui sua sacratis-
sima Cruce, & corporis sui
sanctissimi in ea extensione
aërem purgauit. ✠ Ipse vo-
bis imperat, qui per mortem
suam vos, principem ve-
strum, mortemque deuicit,
ligauit, atque æternæ gehen-
næ mancipauit ignibus. ✠ Ip-
se vobis imperat, qui inferno
spoliato surrexit à mortuis.
✠ Ipse vobis imperat, qui
post quadraginta dies nube
sulce-

fulceptus virtute sua ascendit in cælum. ✠ Ipse vobis imperat, qui venturus est iudicare viuos & mortuos, & sæculum per ignem.

R. Amen.

Et postea ostendat Crucem in aëra, dicens: Ecce lignum sanctissimæ Crucis, fugite partes aduersæ: vicit enim vos & mundum Dominus noster Iesus Christus Filius Dei, Imperator summus, leo de tribu Iuda, radix David.

Postea aqua benedicta in modum Crucis ✠ aspergat quatuor latera. Dicendæ sunt etiam Litaniæ: si nondum quiesuit tempestas. Psalmus. Quicumque vult. Antiphona. Aue Regina. & Sub tuum præsidium. Canticum. Benedicite omnia. cum V. Gloria Patri, & Filio. in quolibet versu dicti Cantici.

Deinde *Vers.* Benedicamus Patrem & Filium cum sancto Spiritu. *Resp.* Laudemus, & superexaltemus eum in sæcula. *Vers.* Ora pro nobis sancta Dei genitrix. *R.* Vt digni efficiamur promissionibus Christi. *Vers.* Exurge Christe, adiuua nos. *Resp.* Et libera nos propter nomen tuum. *Vers.* Domine exaudi orationem meam. *Resp.* Et clamor meus ad

te veniat. *Vers.* Dominus vobiscum. *Resp.* Et cum spiritu tuo.

Oratio.

Omnipotens sempiternè Deus, qui dedisti famulis tuis in confessione veræ fidei, æternæ Trinitatis gloriam agnoscere, & in potentia maiestatis adorare unitatem: quæsumus, vt eiusdem fidei firmitate, ab omnibus semper muniamur aduersis.

Oratio.

Protege Domine famulos tuos subsidiis pacis; & beatæ Mariæ semper Virginis patrocinio confidentes, a cunctis hostibus & periculis redde securos.

Oratio.

Adomo tua, quæsumus Domine, spirituales nequitiae repellantur, & aërearum discedat malignitas tempestatum.

Oratio.

Ad te nos Domine clamantes exaudi, & aëris serenitatem nobis tribue supplicantibus; vt qui iustè pro peccatis affligimur, misericordia tua præueniente, clementiam sentiamus.

Oratio.

Largiri & conseruare fructus terræ dignare Domine Deus noster; vt temporalibus gaudeamus auxiliis,

liis, & proficiamus spiritua-
libus incrementis. Per Chri-
stum Dominum nostrum.
Amen.

Potesť dici & Oratio il-
lius Sancti, in cuius ho-
nore constructa est Ecclesia,
& aliorum Sanctorum, in
quibus plus de eorum adiu-
torio confidimus propter

specialem deuotionem no-
stram. Possunt dici & alie
etiam deuotæ Orationes cum
compunctione, & cordis
contritione, implorando sem-
per misericordiam Dei. Et
si adhuc tempus tempestuo-
sum perseverauerit, pote-
runt suprâ dicta pluries re-
peti.

